

Nafarroako Unibertsitate Publikoaren behin betiko Estatutuen Proiektua

SUMARIOA

HITZAURREA

ATARIKO TITULUA. Xedapen orokorrak .

LEHENBIZIKO TITULUA Unibertsitatearen egitura.

- I. kapitulua. *Xedapen orokorra.*
- II. kapitulua *Oinarrizko ikastegiak.*
- III. kapitulua *Sailak.*
- IV. kapitulua. *Unibertsitateko Ikerketa-Institutuak.*
- V. kapitulua. *Beste ikastegi batzuk .*

BIGARREN TITULUA. Unibertsitatearen Gobernu.

- I. kapitulua. *Xedapen Orokorrak.*
- II. kapitulua. *Eremu orokorreko organo kolegiatuak.*
 1. atala. Gizarte Kontseilua.
 2. atala. Gobernu Kontseilua.
 3. atala. Unibertsitateko Klaustroa.
 4. atala. Batzorde Aholku-emailea.
 5. atala. Zuzendaritza Kontseilua.
- III. kapitulua. *Eremu mugatuko organo kolegiatuak.*
 1. atala. Ikastegiko Batzordea eta Zuzendaritza Taldea.
 2. atala. Saileko Kontseilua eta Zuzendaritza Taldea.
 3. atala. Unibertsitateko Ikerketa-Institutuko Kontseilua.
- IV. kapitulua. *Eremu orokorreko organo kide bakarrekoak.*
 1. atala. Errektorea.
 2. atala. Errektoreordeak, Idazkari Nagusia eta Kudeatzailea.
- V. kapitulua. *Eremu mugatuko organo kide bakarrekoak.*
 1. atala. Dekanoa edo Ikastetxeko Zuzendaria.
 2. atala. Saileko Zuzendaria.
 3. atala. Unibertsitateko Ikerketa-Institutuko Zuzendaria.
- VI. kapitulua. *Gobernu organoak hautatu eta errebokatzea.*

HIRUGARREN TITULUA. Irakaskuntza Jarduerak eta Unibertsitate Zabalpena.

- I. kapitulua. *Irakaskuntzak.*
- II. kapitulua. *Graduondokoa eta Doktoretza .*
- III. kapitulua. *Ikerketa .*
- IV. kapitulua. *Kalitatea eta Ebaluazioa.*
- Capítulo V. *Unibertsitate Zabalpena.*

LAUGARREN TITULUA. Unibertsitate Komunitatea.

- I. kapitulua. *Irakasle eta Ikertzaileak.*
- II. kapitulua. *Ikasleak .*
- III. kapitulua. *Administrazio eta Zerbitzuetako Langileak.*
- IV. kapitulua. *Unibertsitate Komunitateko Arartekoa.*
- V. kapitulua. *Euskara Unibertsitatean.*

BOSGARREN TITULUA. Unibertsitate Komunitaterako Zerbitzuak.

SEIGARREN TITULUA. Ekonomia eta Finantza Erregimena.

I. titulua. *Xedapen Orokorrak.*

II. kapitulua. *Ekonomia eta Finantza Kudeaketa.*

III. kapitulua. *Dirusarrerak matrikula, zerbitzu eta kontratuengatik.*

IV. kapitulua. *Unibertsitatearen Ondarea.*

V. kapitulua. *Unibertsitateko Arlo Publikoa.*

ZAZPIGARREN TITULUA. Administrazio Erregimen Juridikoa.

ZORTZIGARREN TITULUA. Estatutuak Eraberritzea.

XEDAPEN GEHIGARRIAK.

XEDAPEN IRAGANKORRAK.

XEDAPEN INDARGABETZAILEA.

AZKEN XEDAPENA.

HITZAURREA

Apirilaren 21eko 8/1987 Foru Legearen bidez Nafarroako Unibertsitate Publikoa sortu zen. Nafarroako Gobernuak behin-behineko estatutu-arauak onetsi zituen, Batzorde Sortzaileak otsailaren 2ko 30/1989 Foru Dekretuaren bidez horiek proposatu ondoren. Dekretua 9/1987 Legeak baimendu zuen, artean ez baitzen organorik unibertsitate autonomiari dagozkion ahalmenak erabiltzeko legeen baimena zuenik.

Nafarroako Unibertsitate Publikoaren Lehenengo Estatutuak Nafarroako unibertsitate-erakunde horren Klaustro eratzailleak egin eta onetsi zituen. Unibertsitatea, estatutuen edukari buruz erabakitzean, autoantolatzeko bere ahalmena erabiltzen ari zen, Espainiako Konstituzioak onartzen baitzion, egun indargabetua den Unibertsitatea Eraberritzeko 11/1983 Lege Organikoarekin bat etorriz. Nafarroako Gobernuak Estatutuen onespena berretsi zuen, martxoaren 13ko 68/1995 Foru Dekretuaren bidez, behar duen legezko kontrola egin ondoren.

Unibertsitateei buruzko abenduaren 21eko 6/2001 Lege Organikoak estatutu prozesu berria hasi du Espainiako unibertsitate komunitatean. Nafarroako Unibertsitate Publikoak, legezko aginduak bultzatuta, egokiera baliatu du bere egitura eta gobernuari buruz hausnartzeko, baita irakaskuntza jardueri buruz eta unibertsitateko beste gai batzuei buruz ere, guztiak ere, askatasunaren, berdintasunaren eta aurrerapenaren zerbitzuan den gizarte eraldakuntzarako tresna izateko betebeharrak funtsezkoari begira. Horrela, eremu orokorreko organoak sustatzen dituen antolaketa egitura diseinatu da, eremu mugatuko eta orokorreko organoen artean harreman kateatua ezarriz, sendotu egin nahi baita Nafarroako Unibertsitate hau autonomiaren erabileran kanpoko kontrol handiagoa izango duen sisteman, eta horrek ahaleginak batzen behartzen gaitu. Unibertsitateko komunitateak badaki, Europar gunearen atarian izanda, modu bakarra dela bizitza akademikoa eta goi mailako irakaskuntzarako zerbitzu publikoaren kalitatea berritzeko, eta modu hori da unibertsitateko arlo guztiak batera lan egitea, eta dauzkaten erantzukizunak zintzo betetzea.

Errendimendua sustatzeko eta Unibertsitatea bere funtsezko jardueretan modu dinamiko eta iraunkorrean aritu dadin, bide eraginkorra da, Estatutuen bidez, antolamendu berria ezartzea Nafarroako Unibertsitate Publikoko bizitza akademikoan, beti ere, autonomia printzipioan oinarritua eta legeen esparruan garatua bada. Kontuan harturik Estatutuek jaso egiten dutela Unibertsitateak bere burua autonomiaz antolatzeko duen ahalmena, ulertu behar da haien aginduek ongi erakusten dutela Nafarroako unibertsitate komunitatea osatzen duten arloek legez adierazitako borondatea. Izan ere, abiapuntutzat hartzen dugu unibertsitate autonomia funtsezko eskubidea dela; horrenbestez, autonomia hori arautzen duten xedapen guztiak bere eraginaren mesederako direla ulertu behar da.

Hori dela eta, Nafarroako Unibertsitate Publikoko Klaustroak Estatutu hauek onetsi ditu:

ESTATUTUAK

ATARIKO TITULUA XEDAPEN OROKORRAK

1. ARTIKULUA

1. Nafarroako Unibertsitate Publikoa zuzenbide publikoko erakundea da, nortasun juridikoa eta ondare berekia dituena, eta bere eskumenen esparruan goi mailako hezkuntza emateko zerbitzu publikoa dauka bere gain.
2. Nafarroako Unibertsitate Publikoak, bere helburuak betetzeko, autonomia erregimenean dihardu, lege indardunetan xedatutakoari jarraikiz, organo eta administrazio eskudunei dagozkien koordinazio eginkizunak galarazi gabe.
3. Nafarroako Unibertsitate Publikoak Administrazio Publikotzat hartzen da zuzenbidean, eta, ondorioz, horren arabera dagozkion eskubide, ahalmen eta onurak izango ditu antolamendu jurudikoak onartzen dion moduan.

2. ARTIKULUA

Hauek dira Nafarroako Unibertsitate Publikoaren eginkizunak:

- a) Teknika, zientzia eta giza jakintzaren esparru guztietan profesional kualifikatuak prestatzea.
- b) Zientzia, teknika eta giza jakintzaren sorkuntza, garapena, transmisioa eta kritika.
- c) Jakintza hedatu, balioz hornitu eta bestetaratzea, kulturaren, bizitza kalitatearen eta gizarte eta ekonomia garapenaren zerbitzuan.
- d) Kulturari eta etengabeko prestakunzari dagozkion unibertsitate zabalpeneko jarduerak garatzea, gizartearen aurrerapenerako lagungarri direnean.

3. ARTIKULUA

Eginkizunak hobeki betetzeko eta berdintasunaren, parte-hartze demokratikoaren, gardentasunaren eta irakaskuntza askatasunaren printzipioetan oinarrituta, Nafarroako Unibertsitate Publikoak:

- a) Ematen dituen ikasketen, irakaskuntzaren, ikerketaren eta kudeaketaren kalitatea eta bikaintasuna sustatuko ditu, eta horretarako prestakuntza, pizgarri, kontrol eta ebaluaziorako egoki diren neurriak hartuko ditu.
- b) Harremanak ezarriko ditu beste unibertsitate batzuekin, eta ikerketarako eta goi mailako hezkuntzarako beste zentro batzuekin, atzerrian bere entzutea zabalduko du eta unibertsitate komunitateko kideen mugikortasuna erraztuko.

- c) Gizarteak eta kulturak aurre egin dezaten, elkarrizketa, eztabaida eta ideien alderaketa sustatuko ditu, kultura, zientzia eta teknologia arloetan ardura hartuko duen erreferentziako erakunde aitzindari izateko borondatea baitauka.
- d) Bere jarduerak ahal duen gehiena kanpora hedatzen saiatuko da, baita Nafarroako gizartearekin elkarreragina nagusitzen ere.

4. ARTIKULUA

1. Nafarroako Unibertsitate Publikoaren armarrria Nafarroako armarrriaren erdiko gunea betetzen duen esmeralda berde batek osatzen du, berau urrezko eraztun batek inguratua, zeinetatik urrezko bost katemaila ateratzen baitira, hondo gorrian.
2. Enblemak borobil baten tankera du eta *Universitas Navarrensis* leloa ageri du inguruko urrezko azpilduran. Armarrria irudikatzen denean, eta erakunde marka eta irudi moduan erabiltzen denean, Unibertsitatearen izena idatziko zaio ondoan.
3. Unibertsitatearen zigiluak armarrria irudikatzen du.
4. Unibertsitatearen bandera urdina da, eta erdian armarrria dauka.
5. Gobernu Kontseiluak erabakiko du zein erregimen juridikok aginduko duen bere erakunde irudiaren ezaugarriak, marka grafikoak eta aplikazioak sortu, aldatu eta erabiltzeko.

LEHENBIZIKO TITULUA UNIBERTSITATEAREN EGITURA

I. KAPITULUA. XEDAPEN OROKORRA

5. ARTIKULUA

1. Fakultateak, Goi Mailako Eskola Teknikoak edo Politeknikoak, Unibertsitate Eskolak edo Unibertsitate Eskola Politeknikoak, Sailak, eta Unibertsitateko Ikerketa-Institutuak dira Nafarroako Unibertsitatearen oinarrizko egitura osatzen dutenak, eta, era berean presentziazkoak ez diren ikasketak antolatzen dituzten ikastegi edo egiturak.
2. Nafarroako Unibertsitate Publikoak beste ikastegi edo egiturak sortu ahal izango ditu, baldin eta bere erakunde-helburuak garatzeko jardueretan ez badute Unibertsitate Titulu Ofizialen Katalogoan dauden tituluak erdiestearena.

II. KAPITULUA. OINARRIZKO IKASTEGLAK

6. ARTIKULUA

1. Fakultateak, Goi Mailako Eskola Tekniko edo Politeknikoak, Unibertsitate Eskolak edo Unibertsitate Eskola Politeknikoak dira ikasketak antolatzeko ardura duten ikastegiak. Halaber, lagundu egingo dute irakaskuntza, administrazio eta kudeaketa

prozesuetan, lurralde nazional osoan ofizialak eta baliodunak diren tituluak erdiesteko direnetan.

2. Nafarroako Unibertsitate Publikoko Gobernu Kontseiluak ahalmena izango du aurreko idatz-zatiak aipatutako ikastegiak sortu, aldatu edo kentzeko espedienteak abiaraztea eskatzeko, bai eta lurralde nazional osoan ofizialak eta baliodunak diren tituluak erdiesteko ikasketak ezarri eta kentzeko ere.
3. Era berean, Gobernu Kontseiluak bere iritzia emango du, aurreko idatz-zatiak jasotzen dituen aukeretako edozeinetarako Gizarte Kontseiluak edo Foru Komunitateak egiten dituen proposamen edo ekimenei buruz.

7. ARTIKULUA

6.1. artikuluan adierazitako oinarrizko helburua ahalbidetzeko, hauek dira ikastegien eginkizunak:

- a) Beren barne-eraentzako arautegiak egitea.
- b) Baliokidetzaren espedienteak izapidetu eta ebaztea, bai eta ikasketa ziurtagiriak ematea ere, dauzkaten eskumenen barnean
- c) Etorbizuneko tituludunei laneraten lagunduko dieten jarduerak burutzera.
- d) Beste unibertsitate- eta zientzia-erakunde batzuekin, eta bestelako entitate publiko zein pribatuekin harremanak sustatzea.
- e) Titulazio bakoitzeko irakasgaiari dagozkien programen jarraibide berariazkoak ezartzea, non orientabidea eta eduki oinarrizkoak eta bazterrezinak jasoko baitira, bai eta koordinatzeko eskakizunak ere.
- f) Haien eskumeneko irakaskuntzaren ikasketa planetako irakasgaiak irakasteko programazioaren proposamena egitea.
- g) Irakaskuntza nola ematen den egiaztatzea.
- h) Irakasteko eta ikasteko metodologiak hobetzeko eragin eta laguntzea.
- i) Kalitatearen ebaluaziorako eta ikasketen kreditaziorako ekimen guztietan hurbiletik laguntzea.
- j) Aurrekontuak, kudeaketarako eta zuzendaritzarako baliabideak eta haien esku jarritako gainerako baliabide materialak zeinek bere ikasketei esleitzea.
- k) Bakoitzak bere ikasketen sustapena egitea.
- l) Arau indardunek edo Estatutu hauek esleitzen dizkieten beste edozein eginkizun.

III. KAPITULUA. SAILAK

8. ARTIKULUA

1. Sailak dira jakintza arlo bateko edo batzuetako ikasketak ikastegi batean edo gehiagotan koordinatzeko ardura duten organoak, beti ere, Unibertsitatearen irakaskuntza programazioaren arabera, eta irakasleen irakaskuntza eta ikerketa jarduerak laguntzeko ardura dutenak.
2. Sailak jakintza arloen arabera osatuko dira eta lege indardunei jarraikiz. Jakintza arlo bakoitza Sail bati bakarrik eratzikiko zaio.

9. ARTIKULUA

1. Sailak sortu, aldatu eta kentzeko erabakia Gobernu Kontseiluak onetsiko du, erabakiak hartutako jakintza arloekin zerikusirik duten Sailek eta Nafarroako Unibertsitate Publikoko ekonomia zerbitzuek eta zerbitzu juridikoez aldez aurretik txostena egin dutela.
2. Sailak sortu, aldatu eta kentzeko ekimena eragindako Sailei, Gobernu Kontseiluari edo irakasle eta ikertzaile interesdunei dagokie.
3. Ekimenarekin batera oroitidazki justifikatzailea emango da, eta horretan adieraziko dira zein den irakaskuntza, ikerketa eta kudeaketa jarduerak duen beharra eta ekarriko duen hobekuntza, zein diren hartutako jakintza arloak eta eragindako irakasleak, eta zein jarduerak eta irakasteko eta ikertzeko baliabideak Sailei esleitzeko modu berria.

10. ARTIKULUA

8. artikulua 1. idatz-zatian adierazitako oinarritzko helburuak bete daitezzen, hauek dira Sailen eginkizunak:

- a) Unibertsitatearen irakaskuntza programazioan esleituta daukaten eginbeharra garatzeko egokienak diren irakasleak eta baliabide berekiak esleitu eta koordinatzea.
- b) Ikerketa eta unibertsitate zabalpeneko jarduerak sustatu eta burutzea.
- c) Pertsonekin, unibertsitateekin edo entitate publiko zein pribatuekin kontratuak egitea, Unibertsitatei buruzko Lege Organikoaren 83.1 artikuluan aurreikusitakoari jarraikiz.
- d) Irakaskuntza, ikerketa eta langileen kudeaketako gaitasuna hobetzeko sustapena egitea eta laguntzea.
- e) Sailaren barne-erantzako arautegia egitea.
- f) Beste unibertsitate- eta zientzia- erakunde batzuekin, eta bestelako entitate publiko zein pribatuekin harremanak sustatzea.
- g) Aurrekontuak eta esleitzen zaizkien bitarteko guztiak kudeatzea, haien eginbeharrak betetzeko.
- h) Arau indardunek edo Estatutu hauek esleitzen dizkieten beste edozein eginkizun.

IV. KAPITULUA. UNIBERTSITATEKO IKERKETA- INSTITUTUAK

11. ARTIKULUA

1. Unibertsitateko Ikerketa-Institutuak dira zientzia edo teknika ikerketan, edo arte sorkuntzan aritzen diren ikastegiak. Orobat, doktoretza eta graduondoko programak antolatu eta garatu ahal izango dituzte, bai eta aholku teknikoa eman ere, beren eskumenen esparruan.
2. Unibertsitateko ikerketa-institutuak honelakoak izan daitezke:
 - a) Nafarroako Unibertsitate Publikoarenak berarenak.
 - b) Nafarroako Unibertsitate Publikoari eratxikiak, izaera publikoak zein pribatukoak.
 - c) Mistoak, beste erakunde publiko nahiz pribatu batzuekin lankidetzan sortuak.
 - d) Unibertsitateartekoak, beste Unibertsitate batzuekin lankidetzan sortuak.
3. Nafarroako Unibertsitate Publikoak Unibertsitate Institutuak sortzea bultzatuko du, beste erakunde publiko edo pribatu batzuekin partaidetasun erregimenean.

4. Unibertsitate Institutu mistoak edo unibertsitateartekoak sortzeko, eta Unibertsitate Institutuak Nafarroako Unibertsitate Publikoari eratxitzeko, hitzarmen egokia beharko da, eta horretan finantzaketaren erregimen banatua jasoko da, eta, behar denean, daukan kanpoko finantzaketa.

12. ARTIKULUA

Nafarroako Unibertsitate Publikoko Gobernu Kontseiluak bere iritzia emango du, Unibertsitate Institutuak sortu edo kentzeko Gizarte Kontseiluaren edota Foru Erkidegoaren proposamen edo ekimenei buruz, 6. artikulua 2. eta 3. idatz-zatietan xedatu bezala.

V. KAPITULUA. BESTE IKASTEGI BATZUK

13. ARTIKULUA

1. Hitzarmen baten bidez, irakaskuntzan, ikerketan zein arte sorkuntzan aritzen diren irakaskuntza ikastegiak eratxiki ahal izango zaizkio Nafarroako Unibertsitate Publikoari, izaera publiko nahiz pribatukoak. Eratxikitzekeo Gizarte Kontseiluak proposamena egin beharko du, Gobernu Kontseiluak txostena egin ondoren, eta gero Foru Komunitateak eratxikipena onetsi beharko du.
2. Gizarte Kontseiluaren proposamena bakoitzaren ekimenez edo Unibertsitateko Gobernu Kontseiluak eskatuta egin daiteke, eta azken horrek, behar izanez gero, eratxikipen hitzarmenari buruzko iritzia emango du. Hitzarmenean, gutxienez ere, ikasketen irakaskuntza erregimena jasoko da, eta, hala dagokionean, ikerketarena, bai eta irakasleen erregimena, gobernu organoak, ikasleak sartzeko prozedurak eta finantzaketa sistemak ere, nolana ere, Unibertsitatearen kalitate estandar berekiak bermatuta daudela.
3. Nafarroako Unibertsitate Publikoak, eratxikipen hitzarmenean jasotzen den moduan, gainbegiratuko du eratxikitako ikastegietan emango den irakaskuntza, eta Nafarroako Unibertsitate Publikoko Errektoreari egokituko zaio ikastegi horietako irakasleentzako *venia docendi* ematea.
4. Osasun Zientzien arloan irakaskuntza eta ikerketa garatzeko, Nafarroako Unibertsitate Publikoak zilegi izango du titularitate publikoa duten osasun-erakundeekin hitzarmenak egitea, Unibertsitateei buruzko Lege Organikoan eta osasun-legerian aurreikusitakoarekin bat etorriz.

14. ARTIKULUA

1. Ikasle-egoitza Nagusiak Unibertsitateak barnean dauzkan unibertsitate ikastegiak dira, egoitza emateaz gain, haietan bizi direnen kultura eta zientzia prestakuntza bultzatzen dutenak, beti ere, Estatutu hauen Atariko Tituluan biltzen diren printzipioak aintzat hartuz.
2. Gobernu Kontseiluak onetsiko du ikasle-egoitza nagusiek funtzionatzeko eta ikasleak hartzeko izango duten erregimena.
3. Entitate edo erakunde publiko zein pribatuen mendean dauden ikasle-egoitza nagusiak eratxiki ahal izango zaizkio Unibertsitateari. Nolanahi ere, Gobernu Kontseiluari egokituko zaio eratxikipen-hitzarmena onestea.

BIGARREN TITULUA
UNIBERTSITATEAREN GOBERNUA

I. KAPITULUA. XEDAPEN OROKORRA

15. ARTIKULUA

1. Nafarroako Unibertsitate Publikoaren gobernua eta administrazioa organo eta kargu hauen bidez beteko dira:
 - a) Eremu orokorreko organo kolegiatuak: Gizarte Kontseilua, Gobernu Kontseilua, Unibertsitateko Klaustroa, eta Batzorde Aholku-emailea.
 - b) Eremu mugatuko organo kolegiatuak: Ikastegiko Batzordeak, eta Saileko eta Unibertsitateko Ikerketa-Institutuko Kontseiluak.
 - c) Eremu orokorreko organo kide bakarrekoak: Errektorea, Errektoreordeak, Idazkari Nagusia eta Kudeatzailea.
 - d) Eremu mugatuko organo kide bakarrekoak: Dekanoak eta Eskolako Zuzendariak, bai eta Saileko eta Unibertsitateko Ikerketa-Institutuko Zuzendariak.
 - e) Eremu mugatuko kargu kide bakarrekoak: Dekanordeak eta Eskolako Zuzendariordeak, Saileko eta Unibertsitateko Ikerketa-Institutuko Zuzendariordeak, eta Fakultateko, Eskolako, Saileko eta Unibertsitateko Ikerketa-Institutuko Zuzendariordeak.
2. Beren eskumenen esparruan, organo orokorren erabakiak nagusi dira organo mugatuenen gainean, eta organo kolegiatuak kide bakarreko organoenen gainean, salbu eta lege indardunek espresuki finkatzen dituzten kasuetan.

16. ARTIKULUA

1. Kide bakarreko organoetako karguak betetzeko arduraldi osoan aritu beharko da, Legean agertzen diren salbuespenak ezertan galarazi gabe. Ez da inola ere zilegi izango da aldi berean kargu horietako batean baino gehiagotan aritzea.
2. Kide bakarreko karguetako eginkizunak betetzeko arduraldi osoan aritu beharko da, eta zilegi izango aldi berean kargu horietako batean baino gehiagotan aritzea.
3. Gobernu Kontseiluak ezarriko du bateraezintasun ekonomiko eta funtzionalen erregimena irakaskuntza-betekizunak betetzeko orduan.

II. KAPITULUA. EREMU OROKORREKO ORGANOKOLEGIATUAK

I. ATALA. GIZARTE KONTSEILUA

17. ARTIKULUA

1. Nafarroako Unibertsitate Publikoaren Gizarte Kontseilua gizarteak Unibertsitatean parte hartzeko duen organo kolegiatua da.

2. Gobernu Kontseiluak Gizarte Kontseiluan izango dituen hiru ordezkariak banaketa honen arabera hautatuko dituzte: irakasle bat, ikasle bat eta administrazio eta zerbitzuetako langile bat.

II. ATALA. GOBERNU KONTSEILUA

18. ARTIKULUA

1. Gobernu Kontseilua Unibertsitatearen gobernu organoa da.
2. Honako hauek osatuko dute Gobernu Kontseilua:
 - a) Errektoreak, Idazkari Nagusiak eta Kudeatzaileak.
 - b) Unibertsitateko komunitateko hogeiki kidek.
 - c) Gizarte Kontseiluko hiru kidek, unibertsitateko komunitatekoak ez direnak, Gizarte Kontseiluak hautatuak.
3. Unibertsitateko komunitateko hogeiki kideak honela banatuko dira:
 - a) Errektoreak sei kide izendatuko ditu zuzenean.
 - b) Klaustroak, bere kideen artean, zortzi kide hautatuko ditu, klaustroaren arloen osaera islatuko dutenak, banaketa honen arabera:
 - Irakasle funtzionario doktoreen bost ordezkari.
 - Irakasle funtzionario kontratatuen eta doktore ez direnen ordezkari bat.
 - Ikasleen ordezkari bat.
 - administrazio eta zerbitzuetako langileen ordezkari bat.
 - c) Fakultateko dekanoen, eskolako zuzendarien eta, halakorik badago, Unibertsitateko Ikerketa-Institutuko zuzendarien bi ordezkari.
 - d) Saileko zuzendarien lau ordezkari, haiek hautatuak.

19. ARTIKULUA

1. Gobernu Kontseilua hiru hilabetez behin bederen bilduko da, bai eta Errektoreak hala erabakitzen duenean edo, gutxienez, batzordekideen %30ek hala eskatzen dutenean ere.
2. Gobernu Kontseilua lau urtez behin berrituko da, ikasleen ordezkarien kasuan izan ezik, horiek bi urtez behin berrituko baitira.

20. ARTIKULUA

Hauek dira Gobernu Kontseiluaren eginkizunak:

- a) Unibertsitatearen estrategia ildoak ezartzea eta Gizarte Kontseiluarekin batera Estrategia Plana adostea.
- b) Jarraibide orokorrak eta horiek aplikatzeko prozedurak onestea, ikasketak, ikerketa, eta giza zein ekonomia baliabideak antolatzeke arloetan.
- c) Gizarte Kontseiluari Estrategia Planaren finantzaketa proposatzea, onetsi dezan, urteanitzeko programazio proiektu baten bidez, eta, daudenean, horri estaldura emateko Foru Komunitatearekin egindako finantzaketa hitzarmenak edo programa-kontratuak.
- d) Gizarte Kontseiluari urteko aurrekontu-proiektua proposatzea, onetsi dezan.
- e) Unibertsitateko irakakuntza programazioa onestea urtero.
- f) Irakasleen eta administrazio eta zerbitzuetako langileen lanpostu zerrendarako proposamena onestea.

- g) Ikasketa planak lege ezarritako prozedurari jarraikiz onestea, eta ekitea Gobernu Kontseiluak berak ikasketa planetarako onetsitako jarraibideei egokitu daitezen.
- h) Dazkan eskumenen barnean, irizpideak eta prozedurak ezartzea, irakasleak eta administrazio eta zerbitzuetako langileak hautatu eta kontratatzeke eta horien lanpostuen sustapena egiteko.
- i) Unibertsitate irakaskidegoetako lanpostuak erabakitzeko lehiaketa batzordeetako kideak izendatzea.
- j) Ikasketa ofizialak baliokidetzeko baldintzak onestea, baita ikasketak eta titulu berekiak ezartzekoak ere, arau indardunetan xedatutakoaren arabera.
- k) Lanpostuen eskaintza erabakitzea, bai eta ikasleak onartzeko prozedurak ere, arau indardunetan xedatutakoaren arabera.
- l) Behar den tokian bere ordezkariak izango direnak izendatzea.
- m) Irakasleen eta administrazio eta zerbitzuetako langileen jardura ebaluatzeke plangintza onestea, eta, dazkan eskumenen barnean, ebaluazio irizpideak ezartzea.
- n) Beste unibertsitate edo erakundeekin edota ikastegi publiko zein pribatuekin egiten diren lankidetzak- eta truke-hitzarmenak berrestea eta salatzea.
- o) Bere barne-erantzako arautegia onestea, ikastegi, sail eta unibertsitateko ikerketa-institutuentzako irizpide orokorrak erabakitzea; Batzorde Aholku-emailearen, ikastegien, sailen eta unibertsitateko ikerketa-institutuen barne-erantzako arautegiak onestea, bai eta edozein arautegi beregain ere.
- p) Irakaskuntza- eta lan-egutegiak onestea.
- q) Unibertsitatearen Kalitate Plana onestea, eta hobetzeko ekintzen jarraipena egitea; halaber, ikasketetarako kalitate eskakizunak betetzen direla begiratzea.
- r) Unibertsitateko komunitateko kideen lan baldintzak begiratzea.
- s) Ohorezko goraipamenak ematea eta *honoris causa* doktoreen izendapena onestea.
- t) Gizarte Kontseiluari, eta, hala badagokio, Foru Erkidegoari Unibertsitatei buruzko Lege Organikoaren 8.2, 10.3 eta 11.1 artikuluetan aurreikusitako gaiari buruzko proposamenak bidaltzea, baita arau indardunetan aurreikusten den beste edozein ere.
- u) Estatutu hauen 5.1 artikulua aipatzen dituenak ez diren ikastegi edo egiturak sortzea, jardueratzen ez dituztenean Unibertsitate Titulu Ofizialen Katalogoan dauden tituluak ematea.
- v) Fakultateko Dekanoak eta Eskolako Zuzendariak hautatzea, aurkezten diren hautagaien artean.
- w) Irakaskuntza jarduerak kontrolatzeko mekanismoak erabakitzea.
- x) Hizkuntza Plangintzarako Batzordea sortzea.
- y) Funtzionamendurik hoberena izateko beharrezkotzat jotzen dituen batzorde ordezkariak eratzea.
- z) Dagokion beste edozein eginkizun, lege indardunekin bat etorritik.

III. ATALA. UNIBERTSITATEKO KLAUSTROA

21. ARTIKULUA

1. Unibertsitateko Klaustroa Unibertsitateko komunitatea ordezkatzeko organo gorena da.
2. Klaustroa Errektoreak osatuko du, Klaustroburua baita, eta Idazkari Nagusiak, Kudeatzaileak eta unibertsitateko komunitateko arloetan hautatutako 150 klastro-kideak, honela banatuta:
 - a) Unibertsitate irakaskidegoetako irakasle doktoreen 81 ordezkari.

- b) Irakasle funtzionario kontratatuen eta doktore ez direnen 27 ordezkari. Nolanahi ere, arlo honetan, bi talde horien ordezkari kopurua proportzionala izango da dauzkaten hautesleen kopuruarekin, eta Hauteskunde Batzordeak finkatuko du.
 - c) Ikasleen 30 ordezkari.
 - d) Administrazio eta zerbitzuetako langileen 12 ordezkari.
3. Klaustrokide ez diren errektoreordeak ere bileretara joan daitezke, hizpidearekin eta botorik gabe.

22. ARTIKULUA

- 1. Klaustroaren ohiko bilerak gutxienez urtean behin egingo dira, Errektoreak deituta.
- 2. Errektoreak Klaustroaren ohiz kanpoko bilerarako deia egingo du, bere ekimenez, klaustrokideen laurden batek hala eskatuta, edo Gobernu Kontseiluak, gehiengo absolutu bidez hartutako erabakiaz, hala eskatuta. Ohiz kanpoko bilera egiteko eskaeran eztabaidatu beharreko gaiak azalduko dira, alegia, ohiz kanpoko bilerarako deia egiteko arrazoia eman dutenak.
- 3. Klaustroaren ohiko bilerak ez dira egingo egutegi ofizialean azterketak egiteko hartutako egunetan, aurreikusitakoak ez badira bertan behera uzten, behintzat, egun horiek hartzen duten epearen barnean.

23. ARTIKULUA

Hauek dira Klaustroaren eginkizunak:

- a) Estatutuak egin eta eraberritzea.
- b) Errektorea hautatzeko deia egitea, ohiz kanpoko denean, lege indardunetan xedatutakoari jarraikiz.
- c) Bere barne-eraentzako arautegia egitea, hauei buruzko gorabeherak bederen arautuko dituen: bileren erregimena, deialdia, eguneko aztergaiak eta zuzenketak eta mozioak aurkezteko eta erabakiak hartzeko prozedurak eta betebeharrak, bai eta bera aldatzea ere.
- d) Unibertsitateko Komunitatearen Arartekoa hautatu eta kargugabetzea, Estatutu hauen 116. artikuluan xedatuari jarraikiz, eta haren funtzionamenduko arautegia onetsi eta aldatzea.
- e) Gobernu Kontseiluan bere ordezkariak izango direnak hautatzea.
- f) Egoki jotzen dituen batzordeak sortzea eta haien kideak hautatzea.
- g) Unibertsitate irakaskidegoetan sartzeko lehiaketan ondorioz izan daitezkeen erreklamazioez arduratuko den batzordeko kideak izendatzea.
- h) Indarreko legeek berariaz esleitzen dioten beste edozein eginkizun.

24. ARTIKULUA

Klaustroa lau urtetik behin berrituko da, ikasleen ordezkarien kasuan izan ezik, horiek bi urtetik behin berrituko baitira.

25. ARTIKULUA

- 1. Irakasleen eta administrazio eta zerbitzuetako langileen ordezkariak gehiengo sistemaren bidez hautatuko dituzte. Klaustroan ordezkariak duen arlo bakoitzean hautesle bakoitzak, bete beharreko postuak zenbat diren, kopuru horren ehuneko hirurogeita hamarri, gehienez, eman ahal izango dio botoa. Arlo bakoitzean boto

gehien jaso duten hautagaiak hautatuko dituzte, beti ere, ikusirik zenbat postu dauden betetzeko.

2. Ikasleen klaustrakideen hautaketa zerrenda itxiko sistema proportzional baten bidez egingo da, eta zerrenda hori arlo horrek hautatu behar duen klaustrakide kopuruari lotu beharko zaio. Aurkeztutako zerrendei postuak esleitzeko ere sistema proportzionala erabiliko da.

IV. ATALA. BATZORDE A HOLKU-EMAILEA

26. ARTIKULUA

1. Errektoreari eta Gobernu Kontseiluari irakaskuntza gaietan aholkuak emateko ohiko organoa da Batzorde Aholku-emailea, eta haiei proposamenak egiteko ahalmena dauka.
2. Batzorde Aholku-emailea hauek osatuko dute: Errektoreak, Batzordeburu izango dena, Idazkari Nagusiak eta hamabi kidek, Gobernu Kontseiluak entzute handiko irakasle eta ikertzaileen artean hautatuak, irakaslanean, ikerketan edo kudeaketan merezimenduak egin badituzte, eta horiek ebaluazio positiboen bidez ziurtatuta badauzkate, arau indardunen arabera. Halaber, Batzorde Aholku-emailearen kide izan daitezke, profil profesionalaren arabera, Batzordearen eginkizunak betetzen laguntza eman dezaketen beste batzuk. Gobernu Kontseiluak onetsiko ditu Batzorde Aholku-emailearen kideak hautatzeko arauak, eta, beti ere, gehiago absolutua beharko da kideak hautatzeko.
3. Batzorde Aholku-emailea lau urtetik behin berrituko da.
4. Batzorde Aholku-emailea urtean bi aldiz bederen bilduko da, bai eta Errektoreak hala erabaki edo, gutxienez, batzordekideen %30ek hala eskatzen dutenean ere.
5. Batzorde Aholku-emaileak bere barne-eraentzako arautegia egingo du, eta Gobernu Kontseiluaren eskutan jarri beharko du, onetsi dezan.

V. ATALA. ZUZENDARITZA KONTSEILUA

27. ARTIKULUA

1. Errektoreari, esleituta dauzkan eskumenak garatzen laguntza ematen dion organoa da Zuzendaritza Kontseilua.
2. Zuzendaritza Kontseilua hauek osatuko dute: Errektoreak, Kontseiluburu dena, Errektoreordeek, Idazkari Nagusiak eta Kudeatzaileak.
3. Errektoreak deia egiten duenean bilduko da Zuzendaritza Kontseilua .

III. KAPITULUA. EREMU MUGATUKO ORGANO KOLEGIATUAK

I. ATALA. IKASTEGIKO BATZORDEA ETA ZUZENDARITZA TALDEA

28. ARTIKULUA

1. Ikastegiak duen ohiko gobernu organoa da Ikastegiko Batzordea, eta ematen dituen ikasketak antolatzeko arduraduna, dauzkan eskumenen barnean.
2. Hauek dira Ikastegiko Batzordea osatuko dutenak:
 - a) Dekanoa edo Zuzendaria, Batzordeburua izango dena.
 - b) Ikastegiko Idazkaria.
 - c) Irakaskidegoetako sei irakasle, Dekanoak edo Zuzendariak izendatuak, Ikastegian irakasten ari direnen artetik.
 - d) Ikastegian irakasten ari diren irakasle-ikertzaileak ordezkatzeko dituzten bost irakasle. Horietan hiru unibertsitate irakaskidegoetakoak izango dira.
 - e) Taldeko lau ordezkari Ikastegian matrikulatutako ikasleen ordezkariak ordezkatzeko.
 - f) Administrazio eta zerbitzuetako langileen ordezkari bat, Sailari eratzikia.
3. Aurreko zenbakiko d) eta e) atalei dagokienez, hautesle eta hautagai izango dira Ikastegian irakasten duten irakasle eta ikertzaileak, bai eta Ikastegiari eratzikitako titulazioetako taldeko ordezkariak.
4. Ikastegiko Batzordea hiruhilean behin bederen bilduko da, bai eta Dekanoak edo Zuzendariak hala erabaki edo, gutxienez ere, batzordekideen %30ek hala eskatzen dutenean ere.
5. Ikastegiko Batzordekoak ez diren dekanorde edo zuzendariordeak ere bileretara joan daitezke, hizpidearekin baina botorik gabe.
6. Ikastegiko Batzordea lau urtetik behin berrituko da, ikasleen ordezkarien kasuan izan ezik, horiek bi urtetik behin berrituko baitira.

29. ARTIKULUA

Hauek dira Ikastegiko Batzordearen eginkizunak:

- a) Bere eskumeneko ikasketei buruzko urteko txostenak onestea, baita txosten horiek ekarriko dituzten hobetzeko proposamenak ere.
- b) Ikastegiko Estrategia Plana eta bere aldaketak onestea.
- c) Dauzkan titulazio eta zikloetan, ikasleen onarpen-mugei buruz argibideak ematea.
- d) Ikastegiaren barne-eraentzako arautegia egitea, Gobernu Kontseiluari onesteko emango zaiona.
- e) Ikastegiaren zuzendaritzak proposatuta, 7.e) artikuluan aipatutako jarraibide berariazkoak onestea, eta, behar denean, programetako desorekak ebaztea.
- f) Gobernu Kontseiluari ikasketa planetarako eta horien aldaketarako proposamenak bidaltzea.
- g) Aukerako eta hautaketa libreko irakasgaien eskaintza, eta berariazkoak ez diren hautaketa librekoena, proposatzea, Gobernu Kontseiluak onetsitako irakaskuntza programazioaren jarraibide orokorrekin bat etorriz.
- h) Jarraibide horien barnean, ikasketa planetako irakasgaiak emateko ardura jakintza arloei esleitzea.
- i) Gobenu Kontseiluari proposamenak bidaltzea, ikasketak sortu, aldatu edo kentzeari buruz, baita ikasketa horiekin zerikusia duten ikastegiak sortu eta aldatzeari buruz ere, hori guztia Estatutu hauen 6.2 artikuluan jasotako Gobernu Kontseiluaren ekimen gaitasuna galarazi gabe.
- j) Egoki jotzen dituen batzordeak sortzea eta haien kideak hautatzea.
- k) Sailen arteko edo unibertsitateen arteko doktoretza programak proposatzea.

30. ARTIKULUA

1. Ikastegiko zuzendaritza taldeak Dekanoari edo Zuzendariari laguntza emango die Ikastegiaren ohiko zuzendaritza eta kudeaketa lanak egiten.
2. Hauek osatuko dute: Dekanoak edo Zuzendariak, Ikastegiko burua baita, Ikastegiko Idazkariak, eta Dekanordeak edo Zuzendariordeak.
3. Ikastegiaren ardurako titulazio bakoitzeko edo titulazio talde bakoitzeko Dekanorde edo Zuzendariorde bat egon daiteke. Gobernu Kontseiluak ezarriko du zenbat izango diren, eta zein zuzendaritza taldeari laguntzeko administrazio baliabideak.

II. ATALA. SAILEKO KONTSEILUA ETA ZUZENDARITZA TALDEA

31. ARTIKULUA

1. Saileko Kontseilua Sailaren gobernu organo kolegiatua da eta hauek osatzen dute:
 - a) Saileko kide diren irakasle eta ikertzaile doktore guztiak.
 - b) Doktore ez diren gainerako irakasle eta ikertzaileen ordezkariak, doktoreen kopuru osoaren ehuneko 10 egingo dutenak; sekula ez bi kide baino gutxiago, baldin badaude.
 - c) Sailak ematen dituen ikasketetako ikasleen ordezkariak, doktoreen kopuru osoaren % 10 izango dena, eta sekula ez bi kide baino gutxiagokoa.
 - d) Administrazio eta zerbitzuetako langileen ordezkari bat, Sailari atxikia. Ordezkari hau ez da kontuan hartuko aurreko ehunekoaren banaketarako.
2. Saileko Idazkariak Kontseiluko Idazkari gisa ere jardungo du. Kontseilukidea ez bada, bileretan hizpidea izango du eta botorik ez.
3. Kontseilukide ez diren Saileko Zuzendariordeek zilegi izango dute bileretara joatea, hizpidearekin eta botorik gabe.
4. Saileko Kontseilua hiru hilabetez behin bederen bilduko da, bai eta Kontseiluburuak hala erabaki edo, gutxienez, kontseilukideen %30ek hala eskatzen dutenean ere.
5. Saileko Batzordea lau urtez behin berrituko da, ikasleen ordezkarien kasuan izan ezik, horiek bi urtez behin berrituko baitira.

32. ARTIKULUA

Hauek dira Saileko Kontseiluaren eskumenak:

- a) Saileko Zuzendaria hautatu eta kargugabetzea proposatzea.
- b) Sailaren urteroko irakaskuntza eta ikerketa lanen txostena onetsi eta argitara ematea, irakaskuntza eta ikerketa planak finkatzea eta doktoretza programak proposatzea.
- c) Ikastegiko Estrategia Plana eta bere aldaketak onestea.
- d) Sailaren ikerketa helburuak zehaztea.
- e) Irakaskuntza Antolatzeako Plana onestea.
- f) Irakasle eta ikertzaileen lanpostu beharrak zehaztea, eta bete daitezkeen eskatzea, dauden moduen bidez, eta, halaber, administrazio eta zerbitzuetako langileen lanpostu beharrak proposatzea.
- g) Estatutu hauek finkatzen duten esparruan, unibertsitate irakaskidegoetako irakasleen lanpostuak erdiesteko bidea ematen duten lehiaketak ebatziko dituzten batzordeetako kideak proposatzea.
- h) Aurrekontu eta baliabideen esleipena banatzea, barne-eraentzako arautegian xedatuari jarraikiz.

- i) Sailaren barne-eraentzako arautegia egitea, Gobernu Kontseiluari onesteko emango zaiona.
- j) Gobenu Kontseiluari proposamenak bidaltzea, ikasketak sortu, aldatu edo kentzeari buruz, baita bere jakintza arloekin zerikusia duten ikastegiak sortu eta aldatzeari buruz ere, hori guztia Estatutu hauen 6.2 artikuluan jasotako Gobernu Kontseiluaren ekimen gaitasuna galarazi gabe.
- k) Gobernu Kontseiluari proposamenak bidaltzea, dauzkan jakintza arloei lotutako sailak sortu, aldatu edo kentzeari buruz, hori guztia Estatutu hauen 9.2 artikulua esparruan.
- l) Egoki jotzen dituen batzordeak sortzea eta haien kideak hautatzea.

33. ARTIKULUA

1. Saileko zuzendaritza taldeak Zuzendariari lagunduko dio Sailaren ohiko zuzendaritza, koordinazio eta kudeaketa lanak egiten.
2. Hauek osatuko dute: Zuzendariak, burua baita, Idazkariak eta Zuzendariordeak.
3. Gobernu Kontseiluak ezarriko du zenbat izango diren Zuzendariordeak, eta zein zuzendaritza taldeari laguntzeko administrazio baliabideak.
4. Zuzendariak Errektoreari proposatuko dio Saileko kideen artetik Idazkaria eta Zuzendariordeak izendatzea.

III. ATALA. UNIBERTSITATEKO IKERKETA- INSTITUTUKO KONTSEILUA

34. ARTIKULUA

1. Unibertsitateko Ikerketa-Institutuko Kontseilua da Unibertsitate Institutuaren beraren gobernu organo kolegiatua.
2. Unibertsitateko Ikerketa-Institutuko Kontseiluak aplikagarri izango ditu Saileko Kontseiluaren osaera eta eskumenak erregulatzeko dituzten arauak, Gobernu Kontseiluak berorren izaera dela-eta, erabakitzen dituen egokitzapenekin.

IV. KAPITULUA EREMU OROKORREKO ORGANOKO KIDE BAKARREKOAK

I. ATALA. ERREKTOREA

35. ARTIKULUA

1. Errektorea Unibertsitateko irakaskuntza agintari gorena da, eta bere ordezkaria. 2. Errektoreak bere gain dauzka Unibertsitatearen zuzendaritza, gobernu eta kudeaketa, organo kolegiatuek onetsitako jarduneko ildoak garatzen ditu, eta erabakiak betearazten ditu.

36. ARTIKULUA

1. Unibertsitateko komunitateak aukeratzen du Errektorea, Nafarroako Unibertsitate Publikoan aritzen diren Unibertsitateko katedradunen artetik.

2. Errektorearen agintaldia lau urtekoa izango da, bata bestearen segidako agintaldi bat baizik ezin egingo du, eta, berriz hautagai izateko bi urtetik beherako agintaldiak ez zaizkio kontuan hartuko.
3. Errektore lanpostua bete gabe baldin badago, edo Errektorea ez denean edo gaixorik denean, Errektorearen ordezkoa berak izendatutako errektoreordea izango da, edo, bestela, antzinasun handieneko errektoreordea, beti ere, ordezkoak Unibertsitateko katedradunak badira.

37. ARTIKULUA

1. Unibertsitateko komunitateak hautaketa zuzenaren eta sufragio unibertsal, libre eta berdinen bidez hautatuko du Errektorea.
2. Errektorea hautatzeko botoa haztatua izango da, Unibertsitateko Komunitatearen arloak hartuta, alegia: Unibertsitate irakaskidegoetako irakasle doktoreak, gainerako irakasle eta ikertzaileak, ikasleak, eta administrazio eta zerbitzuetako langileak, ehuneko hauen arabera:
 - a) ehuneko 54 unibertsitate irakaskidegoetako irakasle doktozentzat izango da.
 - b) ehuneko 18 gainerako irakasle eta ikertzaileentzat.
 - c) ehuneko 20 ikasleentzat.
 - d) ehuneko 8 administrazio eta zerbitzuetako langileentzat.
3. Hauteskunde prozesu bakoitzean, Nafarroako Unibertsitate Publikoko Hauteskunde Batzordeak erabakiko ditu, Hauteskunde Arautegian aurretik ezarritako prozeduraren arabera, eta botoak zenbatu ondoren, zein izango diren haztapan-koefizienteak, arlo bakoitzean hautagaiei emandako boto baliodunei aplikatzeko, beren balioa eman diezaieten, Estatutu hauetan ezartzen diren ehunekoei begira.
4. Lehenengo txandan Errektore izendatuko dute emandako boto baliodunen erdiak baino gehiago proportzioz lortzen dituen, artikulua honetan aurreikusitako haztapanak egin eta erabaki ondoren. Izangaietan inork ez badu gehiengoa erdiesten, bigarren bozketari ekingo zaio, eta horretan lehenengo bozketan boto gehien izandako bi hautagaiek bakarrik hartuko dute parte, aipatu haztapanak kontuan harturik. Bigarren txandan, berriz, botoen gehiengo soila erdiesten duena izendatuko dute, lehenengo haztapan berak kontuan harturik. Hautagai bakarra baldin bada, lehenengo txanda besterik ez da egingo.

38. ARTIKULUA

1. Estatutu hauetako 54. artikuluan adierazitako arrazoiengatik utziko du kargua Errektoreak, d) idatz-zatian jasotako kasuan izan ezik, ez baita aplikagarria. Klaustroak hala erabakitzen duenean ere utziko dio karguari hurrengo artikuluan aurreikusien arabera:
2. Errektoreak jardunean jarraituko du Errektore berriak kargua hartu arte. Estatutu hauen 54. artikulua a), c), e), f) eta g) hizkietan jasotzen diren kasuetan, Errektorearen ordezkoa berak izendatutako errektoreordea izango da, edo, bestela, antzinasun handieneko errektoreordea, beti ere, ordezkoak Unibertsitateko katedradunak badira. Hori guztia bermatzeko eginkizunei jarraituko zaizkiela eta Errektorea hautatzeko hauteskundearen deialdia egingo dela.

39. ARTIKULUA

1. Unibertsitateko Klaustroak Errektorea hautatzeko ohiz kanpoko deialdia proposatu ahal izango du, klaustrokideen herenaren ekimenez, eta horretarako Unibertsitateko Erregistro Orokorrean idazkia aurkeztuko du, non, behar bezala egiaztatuta, proposamen-egileen sinadurak eta ekimenaren justifikazioa azalduko baitira. Egiaztapena proposamen-egile bakoitzak sinadura eta Nortasun Agiri Nazionalaren zenbakia emanaz egingo du, edo, bestela, horrelakorik ez badu, nortasuna egiaztatzeko beste agiri ofizial bat emanaz, eta horren kopia erantsiko dio aurkezteko idazkiari.
2. Aurreko atalean adierazitako eskakizunak betez ekimena aurkezteak deialdia ekarriko du berehala, hamabost egun baliodunen epean.
3. Ekimena eztabaidatzeko Klaustroaren bileran Klaustroko Mahaiburuordea izango da bilera-burua, edo, bestela, Mahaiak erabakitako mahaikidea.
4. Ekimenaren eztabaida proposamen-egile baten defentsarekin hasiko da, gero proposamenaren aldekoen txanda, eta ondoren kontrako txanda etorriko dira, eta lehenengo parte-hartzaileak bere erreplikarekin amaituko du eztabaida. Gainera, Errektoreari parte hartzeko txanda berezkoa eta erreplika egitekoa emango zaizkio.
5. Eztabaida amaiturik ekimena isilpeko bototara jarriko da, eta onetsia izateko klaustrokide guztien bi herenek eman beharko dute aldeko botoa.
6. Ekimena onesten bada, ondorioz, Errektorea hautatzeko Klaustroako deialdia etorriko da, Klaustroaren desegintza eta Errektorearen kargu-uztea. Ekimena onesten ez bada, ekimena sinatu dutenetan inork ezin izango du horrelako beste ekimenik aurkeztu, bozketa egin eta handik urtebete igaro arte.
7. Errektoreak dimisioa aurkezten badu, Errektorea hautatzeko ohiz kanpoko hauteskunde deialdirako ekimenaren izapideak eta bozketa geldiaraziko dira.

40. ARTIKULUA

Hauek dira Errektorearen eginkizunak:

- a) Unibertsitatea zuzentzea eta botere publiko eta edozein pertsona edo entitate publiko nahiz pribaturen aitzinean hura ordezkatzea.
- b) Administrazio nahiz jurisdikziozko errekursoak jartzea, eta zuzenbidezko edozein negozio nahiz egintzatan Unibertsitatea judizialki eta administratiboki ordezkatzea. Ordezkapen hori betetzeko, zilegi izango du mandatuak ematea.
- c) Unibertsitateko ekitaldien buru izatea, horietara joaten denean, legezko aurrezkotasunik ez bada.
- d) Gobernu Kontseilurako, Klaustroako eta Batzorde Aholku-mailerako deiak egin eta haien buru izatea, bai eta horien erabakiak eta Gizarte Kontseiluarenak betearaztea ere.
- e) Unibertsitateko kide bakarreko organoei esleituriko eginkizunak aurrera eramaten direla eta organo kolegiatuen erabakiak betetzen direla zaindu eta begiratzea.
- f) Unibertsitate irakaskidegoetako lanpostuak betetzeko lehiaketetarako deiak egitea, edo irakasle eta ikertzaileen, edota administrazio eta zerbitzuetako langileen lanpostuak betetzeko lehiaketetarako edo beste hautatze sistemetarako deiak egitea, eta Unibertsitatearen irakasleak eta administrazio eta zerbitzuetako langileak izendatu eta kontratatzea.
- g) Errektoreordeak, Idazkari Nagusia eta Errektorearen nahiz Errektoreordeen edo Idazkari Nagusiaren laguntzaile izan daitezkeenak izendatu eta kargugabetzea, Gobernu Kontseiluari argibideak emanaz.
- h) Gizarte Kontseiluarekin bat eginez, Kudeatzailea izendatzea eta kargugabetzea, daukan eskumenari lotuz.

- i) Irakaskidegoetako lanpostuetako irakasleak hautatuko dituzten batzordeetako kideak izendatzea, baita Erreklamazio Batzordeko kideak ere.
- j) Tokian tokiko organoek aukeratutako gobernu organo kide bakarrekoak izendatzea eta kargugabetzeko erabakia hartzea, eta berdin Hauteskunde Batzordeak aldarrikatzen ez dituen organo kolegiatuetako kideen kasuan ere.
- k) Unibertsitatean zerbitzu ematen ari diren langile guztien goi-burua izatea, baita Unibertsitateko Komunitateko kideena ere, lege indardunek beste organoei esleitzen ez dizkieten diziplina erabakiak eta espres esleitu ez zaizkien eskumenak harturik.
- l) Titulu eta diplomak ematea.
- m) Gastua baimendu eta ordainketak agintzea, onetsitako aurrekontua betearaziz.
- n) Nafarroako Unibertsitate Publikoari dagozkion eskumenak erabiltzea, Unibertsitateko beste organo batzuek espres esleituta ez badauzkate.
- o) Laguntza zuzeneko unitateari atxikitako langileen zuzendaritza funtzionala betetzea, bai zuzenean, bai unitate horretako arduradunarengan eskuordetuz.
- p) Lege indardunek esleitzen dizkieten beste eginkizun guztiak betetzea.

II. ATALA. ERREKTOREORDEAK, IDAZKARI NAGUSIA ETA KUDEATZAILEA.

41. ARTIKULUA

1. Errektoreari Unibertsitatea gobernatzen laguntzea da Errektoreordeen lana, beraiei esleitutako eginkizunak koordinatu eta zuzenduz, eta Errektorearen ordezkapena eginez, hala eskatzen zaienean. Halaber, Estatutu hauek aurreikusitako kasuetan ere ordezkatuko dute.
2. Errektoreak Nafarroako Unibertsitate Publikoan aritzen diren irakasle doktoreen artetik izendatuko ditu Errektoreordeak. Errektoreordeek karguari utziko diote Errektoreak erabakitzen duenean eta Estatutu hauen 54. artikuluan azaldutako zergatikoak direnean, d) hizkian aurreikusitakoa tartean ez bada.

42. ARTIKULUA

1. Idazkari Nagusia Unibertsitateko Gizarte Kontseiluaz beste gobernu organo kolegiatuen egintza eta erabakien fede-emailea da.
2. Idazkari Nagusia Gobernu Kontseiluko, Aholkularitza Batzordeko, Klaustroko, eta, behar izanez gero, Zuzendaritza Kontseiluko idazkari lanetan arituko da.
3. Errektoreak Unibertsitatean zerbitzu ematen ari diren A mailako funtzionario publikoen artetik izendatuko du Idazkari Nagusia. Halaber, Idazkari Nagusiak karguari utziko dio Estatutu hauen 54. artikuluan azaldutako zergatikoengatik, e) hizkian aurreikusitakoa ez bada.
4. Hauek dira Idazkari Nagusiaren eginkizunak:
 - a) Legez dagozkion aktak, Unibertsitateko gobernu organoenak, egin eta gordetzea.
 - b) Unibertsitateko Gobernu Kontseiluaren akta eta erabakien agiri eta ziurtapenak ematea, bai eta Unibertsitateko dokumentazio ofizialean dauden egintza edo egitate guztienak ere.
 - c) Azterketen kalifikazio aktak jaso eta gordetzea.
 - d) Unibertsitateko agiritegi nagusia eta zigilu ofiziala zaintzea.
 - e) Unibertsitatearen egintza ospatsuak antolatzea eta protokoloa betetzea.
 - f) Gobernu Kontseiluaren erabakiak eta Errektorearen ebazpenak, halakorik bada, argitaratzeko ardura.

- g) Unibertsitateko erregistro orokorra zuzentzea.
 - h) Unibertsitateko jardueren urteko oroitidazkia egitea.
 - i) Bere karguagatik dituen beste eginkizun guztiak, edo indarrean diren legeek esleitzen dizkietenak, betetzea.
5. Eginkizunak betetzeko, Idazkari Nagusiari Idazkariorde Nagusi batek lagun diezaioke, eta hori Errektoreak izendatu eta kargugabetuko du, artikulua honen 3. idatz-zatian azaldutako moduan.

43. ARTIKULUA

1. Kudeatzailea da, gobernu organoek ezarritako jarraibideen arabera, Unibertsitateko administrazio eta ekonomia zerbitzuak antolatzeko ardura zuzena duena.
2. Kudeatzaileak ezin izango du irakaslanik egin eta bere jardura arduraldi osokoa izango da.
3. Hauek dira Kudeatzailearen eginkizunak:
 - a) Unibertsitatearen administrazio eta ekonomia zerbitzuak kudeatzea.
 - b) Kudeatzailearen antolamendurako eta funtzionamendurako agiri markoa egitea.
 - c) Unibertsitatearen ondarea eta aurrekontua administratu eta kudeatzea, bai eta ondare horren inbentarioa egin eta eguneratzea ere.
 - d) Urteanitzeko programaziorako proposamena eta aurrekontuaren aurreproiektua egitea.
 - e) Unibertsitatearen administrazio eta zerbitzuetako langileriaren zuzendaritza organikoa eta, hala behar izanez gero funtzionala ere betetzea, Errektoreak eskuordetuta.
 - f) Lege indardunek esleitzen dioten beste edozein eginkizun.
4. Eginkizunak betetzeko, Kudeatzaileari egitura organikoak lagunduko dio, eta, behar baditu, kudeatzaileordeek, eta horiek Errektoreak izendatuko ditu Kudeatzaileak proposatuta.

V. KAPITULUA. EREMU MUGATUKO ORGANOKIDE BAKARREKOAK

I. ATALA. IKASTEGIKO DEKANOAK EDO ZUZENDARIA

44. ARTIKULUA

1. Dekanoa edo Zuzendaria da Fakultateko, Goi Mailako Eskola Tekniko edo Politeknikoko, edota Unibertsitate Eskolako zein Unibertsitate Eskola Politeknikoko agintari nagusia, eta ikastegiko zuzendaritza eta ohiko kudeaketa lanak betetzen ditu.
2. Gobernu Kontseiluak hautatzen du Dekanoa edo Zuzendaria, unibertsitate irakaskidegoetako irakasle doktoreen artetik, gutxienez ere, bost urteko antzintasuna badute irakaskidegoetan, eta ikastegiko titulazioren batean irakasten ari badira. Bestela, Unibertsitate Eskoletan zein Unibertsitate Eskola Politeknikoetan, Zuzendaria doktore ez diren unibertsitate irakaskidegoetako funtzionarioen artetik, edo irakasle kontratatuen artetik hautatuko dute, gutxienez ere, bost urteko antzintasuna badute irakaskidegoetan edo irakasle kontratatuen kategorian.

3. Ikastetxean irakasten ari diren hamabi irakaslek abalatuta aurkeztu diren hautagaien artetik hautatuko da Ikastegiko Dekanoa edo Zuzendaria. Hautatua izateko Gobernu Kontseiluko kideen gehiengo absolutua beharko du.
4. Hautagairik ez badago, Errektoreak unibertsitate irakaskidegoetako irakasle bati emango dio behin-behineko zuzendaritza lanak betetzeko ardura, eta Gobernu Kontseiluari berehala emango dio horren berri.
5. Agintaldia lau urtekoa izango du, eta bata bestearen segidako agintaldi bat baizik ezin egingo du.

45. ARTIKULUA

Hauek dira Dekano edo Zuzendariaren eginkizunak:

- a) Ikastegia ordezkatzea.
- b) Lagunduko dion zuzendaritza taldeko kideak izendatu ditzan proposatzea Errektoreari.
- c) Ikastetxearen jarduerak zuzendu eta koordinatzea, bai eta administrazioa eta aurrekontuak kudeatzea ere.
- d) Ikastegiko Batzorderako deiak egin eta haren buru izatea, bai eta haren erabakiak bete eta betearaztea ere.
- e) Ikastetxeari eratxikitako administrazio eta zerbitzuetako langileen zuzendaritza funtzionala betetzea, langile horien lanbide-eskumenak ezertan kaltetu gabe.
- f) Ikastegiak ematen dituen ikasketen administrazio-antolaketa egitea, bai eta eskola ordutegiak eta azterketen egunak finkatzea ere.
- g) Ikastegian irakaskuntza betetzen dela zaintzea.
- h) 7.e) artikuluan adierazitako jarraibide berariazkoak proposatzea, bai eta Ikastegiko titulazioetako irakasgaien programen edukiak koordinatzea ere. Koordinazio horrek, gutxienez ere, irakasteko metodologia, gai-zerrenda eta ebaluazioa hartuko ditu.
- i) Irakaskuntzaren kalitatea etengabe hobetzen saiatzea, horretarako beharrezkoak diren neurri guztiak Sailei proposatuz.
- j) Lege indardunek Ikastegiari eman eta Estatutu hauek Ikastegiko Batzordeari esleitzen ez dizkion eginkizun guztiak betetzea.
- k) Lege indardunek esleitzen dioten beste edozein eginkizun.

II. ATALA. SAILEKO ZUZENDARIA

46. ARTIKULUA

1. Saileko Zuzendaria Sailaren agintari nagusia da. Hori dela eta, ohiko agintaritza izango du bere esku, Saileko Kontseiluaren bileren buru izango da eta Kontseiluaren erabakiak betearaziko ditu.

2. Saileko Zuzendaria Saileko Kontseiluak hautatuko du, unibertsitate irakaskidegoetakoak eta kontseilukideak diren irakasle doktoreen artetik.

Bestela, Unibertsitatei buruzko Lege Organikoaren 58. eta 59. artikuluen 3. idatz-zatiak aipatzen dituen jakintza arloen gainean eratutako sailetan, doktore ez diren unibertsitate irakaskidegoetako funtzionarioak edo irakasle kontratatu doktoreak izan daitezke zuzendari.

Nolanahi ere, Saileko Zuzendaria Saileko Kontseiluaren eskubide osoko kidea izango da.

3. Saileko Zuzendaria hautatzeko Saileko kontseilukideen gehiengo absolutua beharko da. Gehiengo hori hautagai bakar batek ere lortzen ez badu, hurrenez-hurreneko

bozketak egingo dira boto gehien izan duten bi hautagai izanez gero, haien artetik bat aukeratzeko, eta gehiengo soila lortzen duena izango da hautatua. Hautagai bakarria baldin bada, lehen bozketan izango da hautatua baldin eta aldeko botoak eroldaren erdiak baino gehiago badira, eta bigarren bozketan aldeko botoak kontrakoak baino gehiago badira.

4. Hautagairik ez badago, Errektoreak unibertsitate irakaskidegoetako irakasle bati emango dio behin-behineko zuzendaritza lanak betetzeko ardura, eta Gobernu Kontseiluari berehala emango dio horren berri.

5. Saileko Zuzendariaren agintaldia lau urtekoa izango da eta bata bestearen segidako agintaldi bat baizik ezin egingo du.

47. ARTIKULUA

Hauek dira Saileko Zuzendariaren eginkizunak:

- a) Saila ordezkatzeta.
- b) Lagunduko dion zuzendaritza taldeko kideak izendatu ditzan proposatzea Errektoreari.
- c) Saileko irakaskuntzako eta ikerketako jarduerak koordinatzea.
- d) Saileko Kontseilurako deiak egin eta haren buru izatea, bai eta haren erabakiak bete eta betearaztea ere.
- e) Saileko kideen eskaerak zein iradokizunak jaso eta bideratzea.
- f) Saileko administrazio eta aurrekontuen kudeaketa zuzentzea.
- g) Sailari eratzikitako administrazio eta zerbitzuetako langileriaren zuzendaritza funtzionala betetzea, langile horien lanbide-eskumenak galarazi gabe.
- h) Idazkariarekin batera, Sailaren urteko txostena egitea.
- i) Irakaskuntza eta ikerketa konpromezuak bete daitezen zaintzea.
- j) Hurrengo ikasturtean emango diren irakasgaien programak Ikastetxeetara igortzea. Programetan, gutxienez ere, hauek jasoko dira: helburuak, gai-zerrenda, irakasteko eta laneko metodologia, ebaluazio sistema eta bibliografia erreferentziak.
- k) Dauzkan eskumenen barnean, bekadun eta ikertzaile bisitariei baimena ematea Sailean lan egin eta hango baliabideak erabil ditzaten, irakasten edo ikertzen aritzen direnean, Nafarroako Unibertsitate Publikoko langileen izaera hartu gabe ere.
- l) Lege indardunek Sailari esleitzen dizkieten beste eskumen guztiak, beti ere, Estatutu hauetan Saileko Kontseiluari esleitzen ez bazaizkio.

III. ATALA. UNIBERTSITATEKO IKERKETA- INSTITUTUKO ZUZENDARIA

48. ARTIKULUA

1. Zuzendaria da Unibertsitateko Ikerketa-Institutuko agintari goren.
2. Errektoreak doktoreen artetik izendatuko du Zuzendaria, Unibertsitate Institutu bakoitzeko barne-eraentzako arautegian ezarritako arauen arabera, edo, bestela, Gobernu Kontseiluari izendapen horren berri emanez. Nafarroako Unibertsitate Publikoari atxikitako Unibertsitateko Ikerketa-Institutuetan atxikipen hitzarmenean xedatutakoak aginduko du.

Beti ere, gutxienez bi ikerketa-tarte onartuta dauzkaten irakasleen artetik izendatuko du, edo ebaluazio organismo eskudunei jarraikiz, merezimendu baliokideak ziurtatzen dituztenen artetik.

3. Agintaldia lau urtekoa izango du, eta bata bestearen segidako agintaldi bat baizik ezin egingo du, atxikipen hitzarmenean beste arauen bat ezartzen ez bada.

VI. KAPITULUA GOBERNU ORGANOAK HAUTATU ETA KARGUGABETZEA

49. ARTIKULUA

1. Klaustroan, Ikastegietako Batzordeetan, Saileko Kontseilu eta Unibertsitateko Ikerketa-Institutuetan eta gainerako gobernu, ordezkari eta aholkularitza organoetan ere Unibertsitateko Komunitateko arloetako ordezkariak hautatzeko, Unibertsitatei buruzko Lege Organikoak, Estatutu hauek eta Unibertsitatearen Hauteskunde Arautegiak aginduko dute.
2. Hautatzeko postuak hiru edo gehiago izanik, hautagaiei boto zuzena emateko gehiengo sistemaren bidez egiten diren gobernu organoetarako hauteskundeetan, hautatzaile bakoitzak, gehienez ere, hautagai kopuru honi eman diezaiolke botoa: Klaustroari buruzko 25. artikuluan ezarritako betetzeko lanpostuei dagokion zatikiaren berdina den kopuruari. Zatiki hori aplikatuz ateratako zenbakia osoa ez bada, goitik hurren duen zenbaki osoarekin biribilduko da.
3. Halaber, Estatutu hauen babesean eratuko diren Batzordeetako mahaikideak hautatzeko, Unibertsitatearen Hauteskunde Arautegiak aurreikusitakoari jarraituko zaio.
4. Aurreko idatz-zatiak aipatzen dituen hautaketa prozesuetan aginduko duen Hauteskunde Arautegia onestea Gobernu Kontseiluari dagokio.

50. ARTIKULUA

1. Hauteskundeetarako deia egiten den egunean Nafarroako Unibertsitate Publikoan zerbitzu ematen ari diren lagun guztiek izango dute sufragio aktiborako eskubidea, bai eta lurralde nazional osoan ofizialak eta baliadunak diren tituluak erdiesteko ikasketetan egun horretan matrikulatuta dauden ikasleak ere.
2. Sufragio pasiborako eskubidea izango dute aurreko egoeran daudenek, Unibertsitatei buruzko Lege Organikoaren eta Estatutu hauetako gainerako eskakizunak betetzen badituzte.
3. Sufragiorako eskubidea norberarena da eta ezin zaio beste bati eman, ezta beste bat eskuorde jarri ere. Hauteskunde Arautegiak posta bidezko botoa arautu ahal izango du organo kolegiatuetako ordezkariak hautatzeko eta Errektorea hautatzeko hauteskundeetan.
4. Unibertsitateko komunitateko partaideren bat bi arlo edo gehiagokoa baldin bada, soilik haietariko batean izango da hautagai, Hauteskunde Arautegian dauden aurreikuspenekin bat etorritik.

51. ARTIKULUA

1. Organo kolegiatuetan arloetako ordezkari izango direnak hautatzeko hauteskundeetarako deia horietako buruek egingo dute, Hauteskunde Arautegian erabakitako epe eta moduan.

2. Gobernu organo kide bakarreoetan, uzten duen titularrak egingo du hauteskundeetarako deia, Hauteskunde Arautegian erabakitako epe eta moduan.

52. ARTIKULUA

1. Unibertsitateko organo kolegiatuetako kideek zergatiko hauetako batengatik utziko diote karguari:
 - a) Zuzenbidez aitortutako ezgaitasunagatik.
 - b) Agintaldia amaitzeagatik.
 - c) Espres uko egiteagatik.
 - d) Hautatua izan zen arlokoa izateari uzteagatik.
 - e) Zein organotakoa izan den ordezkari, organo horren kide izateari uzteagatik, legeak aurreikusitako kasuetan izan ezik.
 - f) Zein kargutarako izendatu edo hautatu zuten, kargu hori uzteagatik.
 - g) Heriotzagatik.
 - h) Arau indardunetan aurreikusten den beste edozein zergatiko dela eta.
2. Ikasle ez den ordezkari batek karguko eginkizunak uzten baditu, hautatua izan zen hauteskundeetan boto gehien erdietsi zuen hurrengoak ordezkatu du. Prozedura hori ezin bada erabili, arloko hauteskundeetarako deia egingo da postu hutsa betetzeko. Bi kasuetan agintaldian egongo da ordezkaturako ordezkariak izango zuen agintaldia bukatu arte.
3. Ikasle batek klaustrokide kargua uzten badu, hautatua izan zen zerrendan hurren dagoenak ordezkatu du, halakorik bada. Izan ezean, ez da egoki izango beste bat hautatzea, hautatuari egokitu zitzaion agintaldia bukatu arte.
4. Ikasleen ordezkari batek kargua uzten badu Klaustroa ez den organo kolegiatu batean, hautatua izan zen hauteskundeetan boto gehien izan zituen hurrengoak ordezkatu du. Prozedura hori ezin bada erabili, arloko hauteskundeetarako deia egingo da postu hutsa betetzeko. Bi kasuetan agintaldian egongo da ordezkaturako ordezkariak izango zuen agintaldia bukatu arte.
5. Unibertsitateko Hauteskunde Arautegiak ezarriko du organo kolegiatuetako kideak ordezkatzeko eta haien postu hutsak betetzeko erregimena.

53. ARTIKULUA

1. Hauteskunde Batzordeari dagokio Nafarroako Unibertsitate Publikoko hauteskunde prozesu guztiak antolatu eta kontrolatzea, eta horien emaitzak aldarrikatzea, eta hauteskunde prozesu guztiak inpugnatzea, Hauteskunde Arautegian xedatutakoaren arabera, ikastegi, sail, unibertsitateko ikerketa-institutu edo batzordeetako organoei eskumenak ordezkatzeko aukera galarazi gabe.
2. Hauek osatuko dute Hauteskunde Batzordea:
 - a) Unibertsitateko Idazkari Nagusia, Batzordeburu izango dena.
 - b) Unibertsitate irakaskidegoetako irakasle doktoreen bi ordezkari, zozketaz izendatuak.
 - c) Doktore ez diren irakasleen funtzionarioen eta irakasle kontratatuen ordezkari bat, zozketaz izendatua.

- d) Ikasleen ordezkari bat, haien klaustrokideen artetik zozketaz izendatua.
 - e) Administrazio eta zerbitzuetako langileen ordezkari bat, zozketaz izendatua.
 - f) Unibertsitateko zerbitzu juridikoetako administrazio arduraduna, Batzordeko idazkari lanetan arituko dena.
3. Hauteskunde Batzordearen agintaldia lau urtekoa izango da, ikasleen ordezkariaren kasuan izan ezik, horrena bi urtekoa izango baita. Postu hutsak betetzeko, batzordekideak hautatzeko ezarritako prozedura erabiliko da.
 4. Hauteskunde mahaiko kide izateari ezin zaio uko egin, ez bada, behintzat, behar bezala frogatutako zergatikoren bat, alegatzaileak behar bezala ziurtatua.

54. ARTIKULUA

1. Organo kolegiatuek hautatu behar dituzten kide bakarreko gobernu organoen titularrek, zergatiko hauetako batengatik utziko diote karguari:
 - a) Zuzenbidez aitortutako ezgaitasunagatik.
 - b) Agintaldia amaitzeagatik.
 - c) Espres uko egiteagatik.
 - d) Zentsura mozio bat onetsia izateagatik, Estatutu hauen 55. eta 56. artikuluetan xedatutakoarekin bat etorritz.
 - e) Unibertsitateko komunitatekoa edo, kasuan kasu, Sail, Institutu, edo Ikastegikoa izateari uzteagatik.
 - f) Heriotzagatik.
 - g) Arau indardunetan aurreikusten den beste edozein zergatiko dela eta.
2. Ukoaren zergatikoak Ikastegiko Dekanoari edo Zuzendariari eragiten badio, edota Saileko edo Unibertsitateko Ikerketa-Institutuko Zuzendariari, jardunean egon daiteke dagokion hauteskunde prozesua ebatzi arte, edo, bestela, berak izendatutako Dekanordeak edo Zuzendariordeak ordezkari dezake, halakorik badago, eta, bestela, aitzinatasun handienekoak.
Saileko nahiz Unibertsitateko Ikerketa-Institutuko Zuzendariak, edo Ikastegiko Zuzendariak nahiz Dekanoak hauteskundeetarako deia egingo du, Hauteskunde Arautegian ezarritako prozedurarekin bat etorritz. Hautatutako Zuzendariaren edo Dekanoaren agintaldiak ordezkatuaren agintaldia amaitzeko gelditzen den denboran iraungo du.

55. ARTIKULUA

1. Nafarroako Unibertsitate Publikoko Sailetako Kontseiluek ahalmena dute berek hautatu dituzten zuzendariak kargugabetzeko, eta hori zentsura mozio bat aurkeztuz egingo dute.
2. Gutxienez ere, Saileko Kontseiluko kideen %25ek, era formalean, aurkeztu beharko dute zentsura mozioa, eta horrez gain, hautagai bat aurkeztuko dute, bai eta, hura hautatuz gero, unibertsitate politikan izango lituzkeen berariazko ildoen programa.
3. Zentsura mozioa aurkeztu, eta hurrengo hamabosgarren egunetik hogeita hamargarren egunera bitartean eztabaidatu eta bozkatuko da.

4. Zentsura mozioa onesteko ezinbestekoa izango da Saileko Kontseiluko kideen gehiengo absolutuaren aldeko botoa.
5. Zentsura mozioa onetsiz gero, mozio hori sinatu dutenek proposatutako hautagaia zuzen-zuzenean aldarrikatuko da.
6. Zentsura mozioak artikuluko honen 4. zenbakian aurreikusitako gehiengo absolutua lortzen ez badu, mozioa sinatu dutenek ezin izango dute beste moziorik aurkeztu urte bat igaro arte.

56. ARTIKULUA

1. Ikastegietako Batzordeek eta Unibertsitateko Ikerketa-Instituetako Kontseiluek ahalmena dute beren Dekano eta Zuzendariak kargugabetzeko, zentsura mozio bat onetsiz, bakoitzaren organo kolegiatuko kideen herenak hala eskatuta. Horretarako Unibertsitateko Erregistro Orokorrean idazkia aurkeztuko da, eta idazkian, behar bezala egiaztatuta, proposamen egileen sinadurak eta ekimenaren justifikazioa emango dira.
2. Aurreko idatz-zatian aurreikusitako eskakizunak dituen ekimena aurkezteak berarekin ekarriko du dagokion organo kolegiatuaren bilera egiteko deialdia, hamabost egun balioduneko epean, ekimena eztabaidatu eta bozketa egiteko.
3. Kasuan kasuko organo kolegiatuak ekimena onesteko, kideen gehiengo absolutuaren aldeko botoa beharko da.
4. Ekimena onesten bada, organo eskudunek beste dekanok bat edo zuzendari bat hautatu beharko dute, Estatutu hauetan aurreikusitakoaren arabera.
5. Zentsura mozioak artikuluko honen 3. zenbakian aurreikusitako gehiengo absolutua lortzen ez badu, mozioa sinatu dutenek ezin izango dute beste moziorik aurkeztu urte bat igaro arte.

HIRUGARREN TITULUA

IRAKASKUNTZA JARDUERAK ETA UNIBERTSITATE ZABALPENA

I. KAPITULUA. IRAKASKUNTZAK

57. ARTIKULUA

1. Nafarroako Unibertsitate Publikoak bere ikastegi, sail eta beste egituren bitartez antolatuko ditu irakaskuntzak.
2. Nafarroako Unibertsitate Publikoan irakaskuntza hauen arabera antolatuko da:
 - a) Lurralde nazional osoan ofizialak eta baliodunak diren tituluak erdiesteko irakaskuntzak.
 - b) Beste titulu batzuk erdiesteko irakaskuntzak, eta etengabeko prestakuntzakoak, Gobernu Kontseiluak horretarako onetsiko dituen arauekin bat etorriz.

3. Aurreko ataleko b) hizkiak aipatzen dituen irakaskuntzak finantzatzeko joera izango da berek sortutako dirusarrerekin finantzatzea, eta beste unibertsitate batzuekin edo beste erakunde zein entitate batzuekin elkarlanean eman daitezke, horretarako egindako hitzarmenen arabera.

58. ARTIKULUA

1. Sailen ardura izango da dagozkien jakintza arloei atxikitako ikasketa planetako irakasgaiak ematea, horretarako aukeratu dituzten irakasleen bidez, Ikastegiko Batzordeak onetsitako berariazko jarraibideekin bat eginez.
2. Sailen ardura izango da, halaber, antolatzen dituzten edo partaide diren Doktoretza Programetan esleituta dauzkaten gaiak ematea, horretarako aukeratu dituzten irakasleen bidez.
3. Aurreko idatz-zatiek aipatzen duten ardura ezin hartu duten ohiz kanpoko kasuetan, Gobernu Kontseiluak neurri egokiak hartuko ditu.

59. ARTIKULUA

Nafarroako Unibertsitate Publikoko matrikulazioa eta deialdien erregimena Ikasketen Arautegian finkatuko da. Arautegi hori Gobernu Kontseiluak onetsi beharko du.

60. ARTIKULUA

Irakaskuntza-betekizunari estuki loturiko betebeharra da irakasgai bakoitzari esleituriko irakasleek eskolak ematea. Gorabehera edo zergatikoa larriak edo ohiz kanpokoak direla eta, irakasle batek ezin badu eskola eman, Sailak konponbide bat bilatuko du Ikasketen Arautegian ezarritakoarekin bat egingo duena.

61. ARTIKULUA

1. Beste unibertsitate edo ikastetxe batzuetatik edota Nafarroako Unibertsitate Publikoko beste titulazioen batetik datozen ikasleek, eduki baliokideko ziklo, irakasgai nahiz ikasmilak baliokidetzeko eskaera egin ahal izango dute, horretarako ezarritako epeetan.
2. Ikastegi, batzorde edo organo eskudunak ebatziko ditu irakasgaiak, ikasmilak edo zikloak baliokidetzeko eskaerak, kasuan kasu, zerikusia duten sailei entzun ondoren, eta irakasgai gaindituen edukia kontuan hartuz.
3. Eskaera horiek aurkeztu eta, gehienez ere, berrogei eguneko epean ebatzi beharko dira.

II. KAPITULUA. GRADUONDOKOA ETA DOKTORETZA

62. ARTIKULUA

1. Graduondoko eta Doktoretza ikasketen xedea da ikaslea berezitu dadin edo sakondu dezan zientziaren, teknikaren, giza zientzien edo arteen jakintza-alor jakin batean, eta prestatu dadin ikerketari dagozkion teknika eta metodoak erabiltzen.
2. Nafarroako Unibertsitate Publikoko Doktore gradua ikaskizun multzo bat gaindituta erdietsiko du doktoregaiak. Horien artean ikerketan hasteko lanak egin ditzake, eta, ikerketa lan original bat egin, aurkeztu eta gainditu, dagokion Doktoretza Programaren jakintza arloarekin zerikusirik duena, arau indardunen arabera.

63. ARTIKULUA

1. Doktoretza Programa antolatu eta garatzen duen sail, ikastegi edota unibertsitateko ikerketa-institutuak gainbegiraturata eta irakaskuntza ardura bere gain duela egingo du Doktoretza doktoregaiak.

2. Doktoretza Programa jakin baten ikastaroak beste unibertsitate batzuetako sail, ikastegi eta unibertsitateko ikerketa-institutuetan egin ahal izango dira, edo ikerketarako organismo publiko zein pribatuetan, edo antzeko izaera duten beste entitate batzuetan. Horretarako Nafarroako Unibertsitate Publikoak beharrezko hitzarmenak sinatuko ditu.

3. Berebat, Nafarroako Unibertsitate Publikoko unibertsitateko ikerketa-institutuek, sailek eta ikastegiei, edo beste unibertsitate batzuetakoek elkarrekin batera egindako programak ere garatu ahal izango dira, eta horretarako ere beharrezko hitzarmenak sinatuko dituzte.

64. ARTIKULUA

1. Nafarroako Unibertsitate Publikoko Doktoretza Batzordea hauek osatuko dute: Errektoreak eta berak eskuordetutako errektoreordeak, batzordeburu izango baita, eta irakasle eta ikertzaile doktoreak, berek beren artetik hautatuak jakintza arloetako multzo bakoitzean. Gobernu Kontseiluak erabakiko du zein diren multzo horiek, daukaten afinitatearen arabera eta multzo bakoitzean hautatu behar den ordezkari kopuruaren arabera.
2. Batzordekideek legeak ezarritako eskakizunak beteko dituzte, eta, beti ere, gutxienez bi doktoretza tesitan zuzendari lanak egindakoak beharko dute izan.
3. Batzordekideak lau urtetarako hautatuko dituzte. Bi urtetik behin batzordekideen erdiak berrituko dira.

65. ARTIKULUA

Unibertsitatearen Doktoretza Batzordea da organo eskuduna Doktoretza programekin eta Doktoretza Tesiak egitearekin zerikusia duten gaietan, lege indardunek ezartzen dutenaren arabera. Bereziki, hauek dira dagozkion eginkizunak:

- a) Doktoretza Programen jarraibide orokorrak ezartzea, eta horietan zehaztuko ditu zein diren gutxienekoak sailei, ikastegiei eta ikerkeratako unibertsitate institutuei doktoretza programak baimentzeko, alegia, zein diren gutxieneko kopuruak ikasle,

irakasle, laborategi edo bestelako bitartekoei dagokienez. Jarraibide horiek Gobernu Kontseiluak onetsi beharko ditu.

- b) Doktoretza Programak onestea.
- c) Doktoretza Tesien aleak jaso eta Unibertsitateko Komunitateari gordailatu direla jakinaraztea eta, jasotako txostenak ikusi eta kontsultak egin ondoren, tesia izapidetzeko onartu edo bazterzea.
- d) Doktoretza Programen garapenaren jarraipena egitea.
- e) Saila eta Tesiaren Zuzendaria entzun ondoren, Doktoretza Tesia epaituko duten epaimahaikideak izendatzeko proposatzea.
- f) Doktoretza sustatzea eta horren kalitatea hobetzen laguntzea.
- g) Lege indardunek ematen dizkieten beste edozein eginkizun.

III. KAPITULUA. IKERKETA

66. ARTIKULUA

1. Nafarroako Unibertsitate Publikoaren eginkizun funtsezkoa da ikerketa, bera baita irakaskuntzaren oinarria, komunitatearen aurrerapenerako baliabidea eta gizarte transferentziarako euskarria. Horretarako bere egiten du ikerketa zientifiko, tekniko eta artistikoaren garapena, baita ikertzaileak prestatzeko helburua ere, arreta emanaz bai ikerketa oinarritzkoari, bai aplikatuari, bai eta saiakuntza-garapenari ere.
2. Unibertsitateko irakasle eta ikertzaileen eskubidea eta eginbeharra da ikertzea, beti ere, Unibertsitatearen helburuekin bat egiten duela, eta ordenamendu juridikoak ezarritako mугen barnean. Ikerketarako askatasuna onartua eta bermatua da unibertsitate esparruan.
3. Unibertsitateak ikerketarako, garapenerako eta berrikuntzarako ekintza eta ekimenak bultzatuko ditu, azpiegitura eta oinarritzko zerbitzuak jarritz.
4. Nafarroako Unibertsitate Publikoak ikerketa jardueratik sortutako enpresen sorrera eta parte-hartzea sustatuko ditu.

67. ARTIKULUA

Sailak, Unibertsitateko Ikerketa-Institutuak, Ikerketa Taldeak eta ikerketarako sor daitezkeen beste entitate edo egitura berariazkoak dira ikerketarako unitate arduradunak. Nafarroako Unibertsitate Publikoak bultzatu eta ziurtatuko du unitate horietan ikerketa lanak egin daitezkeen eta, xede horri begira, antolaketa, aurrekontu eta kontratuei dagokienean beharrezkoak diren neurriak hartuko ditu.

68. ARTIKULUA

1. Nafarroako Unibertsitate Publikoko Ikerketa Batzordea hauek osatuko dute: Errektoreak eta berak eskuordetutako errektoreordeak, batzordeburu izango baita, eta unibertsitateko irakaskidegoetako irakasle eta ikertzaile doktoreak, berek beren artetik hautatuak jakintza arloetako multzo bakoitzean. Gobernu Kontseiluak erabakiko du zein diren multzo horiek, daukaten afinitatearen arabera eta multzo bakoitzean hautatu behar den ordezkari kopuruaren arabera.

2. Ikerketa Batzordeko kide izateko, ikerketa jardueraren bi ebaluazio positibo eduki beharko dira, gutxienez ere.
3. Batzordekideak lau urteko eperako hautatuko dituzte. Bi urtez behin batzordekideen erdiak berrituko dira.

69. ARTIKULUA

Hauek dira Ikerketa Batzordearen eginkizunak:

- a) Gobernu Kontseiluari proposatzea zein izango diren Nafarroako Unibertsitate Publikoaren ikerketarako eta teknologia transferentziarako politikaren jarraibideak.
- b) Gobernu Kontseiluari proposatzea zein izango diren ikerketa sustatzeko programa berekiak, Unibertsitateko irakasle eta ikertzaileen ikerketa jarduerak bultzatuko dituztenak.
- c) Gobernu Kontseiluari ikerketaren aurrekontua banatzeko proposamena egitea.
- d) Unibertsitateak ikerketa bultzatzeko behar duen azpiegitura nola erosi eta erabili antolatzea.
- e) Ikerketa egiteko beka eta diru-laguntzetarako deialdiak egin daitezen proposatzea eta horiek esleitzea.
- f) Unibertsitateko jardueren bi urteko oroitidazkia egitea, eta jarduera horiek hedatu eta ezagutu daitezen, mekanismoak sustatzea.
- g) Unibertsitatearen ikerketa lanaren alderdiak entitate publiko eta pribatuei ezagutarazteko azterketak eskatu, egin eta zabaltzea, lankidetzaz hitzarmenak egin ahal izateko edo Unibertsitateara diru-funtsak ekartzeko.
- h) Gobernu Kontseiluari, sailei eta unibertsitateko ikerketa-institutuei aholku ematea ikerketaren plangintza, koordinazio, sustapen-proposamen eta garapen kontrolaren gaitan.
- i) Gobernu Kontseiluak edo Ikerketarako Errektoreordetzak eskatuta, ikerketa taldeek eta horietako kideek dituzten ikerketa jarduerari buruzko txostenak egitea.
- j) Unibertsitateari dagozkion patente eskaerak eta horien luzapenak kudeatzeko proposamena egitea.

70. ARTIKULUA

1. Unibertsitatean ikerlanaren ondorioz eta dagokien ikerketa eginkizunean irakasleek, ikasleek nahiz ikertzaileek egiten dituzten asmaketen titularitatea Unibertsitatearena da, beti ere, beren irakaskuntza eta ikerketaren eginkizunen eremukoak badira.
2. Irakasle, ikasle edo ikertzaile batek ente pribatu nahiz publiko batekin kontratua egin, eta ondorioz asmaketa bat egiten duenean, kontratuan zehaztuko da titularitatea zein alde kontratatzailearena den.
3. Kontratu bidez ente publiko nahiz pribatuei lotetsiriko ikerketa baten ondorioz asmaketa bat egiten bada eta horren titularitatea ente horiei esleitzen ez bazaie, Unibertsitatearena izango da.

4. 2. eta 3. idatz-zatietan aipatzen diren asmaketa guztien berri eman beharko dio asmatzaileak Unibertsitateari, eta Unibertsitateak asmatzaileari bi hilabeteko epean jakinaraziko dio asmaketaren gaineko eskubideak zein eremu geografiko eta funtzionalen barnean zainduko dizkion.
5. Beti ere, asmatzaileak eskubidea izango du mozkinetan parte hartzeko, alegia, Unibertsitateak 2. eta 4. idatz-ataletako asmaketen gaineko ustiapena egiteagatik edo eskubideen lagapenagatik dituenetan. Asmaketa bat ustiatzearen mozkinak honela banatuko dira:
 - a) a) %30, Unibertsitateari dagokio.
 - b) %30, irakaslea atxikita dagoen Sailari.
 - c) %40 egileari.
6. Artikulu honen 4. zenbakian sartzen ez diren herrialde eta aldietan, laga nahiz ustiatzeko eskubideak egilearenak izango dira.
7. Aurreko puntuak jasotzen duen asmaketa baten ustiapenaren ondorioz egileak mozkinen bat lortzen badu, Unibertsitateak mozkinaren %30 jasotzeko eskubidea izango du.
8. Arautegi hau industria jabetza motaren bat izan daitekeen edozein emaitzari aplikatuko zaio.

IV. KAPITULUA. KALITATEA ETA EBALUAZIOA

71. ARTIKULUA

Nafarroako Unibertsitate Publikoak irakaskuntza eta ikerketa zerbitzuen kalitatea bermatuko du, bai eta gizarteari ematen dizkion beste zerbitzu batzuenak. Horretarako irakaskuntza eta ikerketa jarduerak ebaluatuko dira, Gobernu Kontseiluak onetsitako kalitate planak jasotzen dituen etengabeko hobekuntzarako prozesutan zein behar den erabakitzeko, hori guztia beste organismo batzuek dauzkaten eskumenei kalterik egin gabe.

72. ARTIKULUA

1. Nafarroako Unibertsitate Publikoaren barnean Kalitate Batzordea sortu da, eta hauek dira kideak:
 - a) Errektorea edo berak eskuordetua, batzordeburu izango baita.
 - b) Gobernu Kontseiluaren hiru kide, Kontseiluak berak hautatuak Ikastegiko eta Saileko Zuzendarien ordezkarien artetik.
 - c) Ikerketa Batzordeko burua, edo berak eskuordetutako batzordekidea.
 - d) Gizarte Kontseiluaren gizarte alderdiko bi kide, Kontseiluak hautatuak.
 - e) Kudeatzailea edo berak eskuordetutako administrazio eta zerbitzuetako langilea.
 - f) Ikasleen Kontseiluak hautatutako bi ikasle.
 - g) Ikerketa Emaitzak Bestetartzeko Bulegoaren arduraduna edo berak eskuordetutako bulego horretako langilea.
 - h) Unibertsitateko zerbitzuak hartzen dituen gizarte ingurune bi lagun nabarmen.

2. Batzordekideen agintaldiaren iraupena lau urtekoa izango da, ikasleen kasuan izan ezik, haiena bi urtekoa izango baita.
3. Hauek dira Batzordearen eginkizunak:
 - a) Kalitate plana proposatzea, Gobernu Kontseiluak onetsi dezan.
 - b) Gizarte Kontseiluari eta Unibertsitateko gobernu organoei kalitatea hobetzeko ekimenak eta pizgarriak proposatzea.
 - c) Dazkan eskumenen barnean, kalitatea ebaluatzeko metodo eta tresnak onestea.
 - d) Kalitatea ebaluatzeko jardueren diseinuan, betearazpenean eta jarraipenean laguntzea, Gobernu Kontseiluak onetsitako kalitate planean zehazten den moduan.
 - e) Behar diren organoei jakinaraztea zein diren arduraren dazkaten kalitate ebaluazioen prozesuak eta emaitzak, eta, behar denean, haiei balioa ematea.
 - f) Kalitate Planaren urteko txostena onestea, gero Gobernu Kontseilura bidaliko dena.
 - g) Estatutu hauek ezartzen dituzten beste edozein eginkizun.

V. KAPITULUA. UNIBERTSITATE ZABALPENA.

73. ARTIKULUA

1. Unibertsitateak unibertsitate zabalpeneko jarduerak garatuko ditu, Unibertsitateko komunitateko partaide guztiei eta, oro har, gizarteari zuzenduak, pentsamendu kritikoa sortzen eta hedatzen laguntzeko eta kultura, zientzia eta teknikaren zabalkunderako.
2. Unibertsitate zabalpeneko eginkizunen artean daude garapenerako lankidetzak; gizarte eta kultura eraldaketa; parte hartzeko eta elkartasunaren mesederako diren kultura ohitura eta modu kritikoak sortu eta hedatzea, eta etengabeko prestakuntza irekia eta askotarikoa.
3. Unibertsitateak erakunde publiko edo pribatuekin lankidetzan aritzeko modua bilatuko du, unibertsitate zabalpeneko jarduerak garatzeari begira.

LAUGARREN TITULUA

UNIBERTSITATEKO KOMUNITATEA.

I. KAPITULUA. IRAKASLE ETA IKERTZAILEAK

74. ARTIKULUA

1. Nafarroako Unibertsitate Publikoko irakasle eta ikertzaileak unibertsitate irakaskidegoetako funtzionarioak eta langile kontratatuak izango dira.

2. Irakasle funtzionarioak irakaskidego hauetakoren batekoak izango dira:
 - a) Unibertsitateko Katedradunak.
 - b) Unibertsitateko Irakasle Titularrak.
 - c) Unibertsitate Eskolako Katedradunak.
 - d) Unibertsitate Eskolako Irakasle Titularrak.

3. Lan-kontratuko irakasleak ezin dira irakasle eta ikertzaileen ehuneko 49 baino gehiago izan, eta modalitate hauen arabera kontratatuko dituzte:
 - a) Laguntzaileak.
 - b) Irakasle Laguntzaile Doktoreak.
 - c) Irakasle Lankideak.
 - d) Irakasle Kontratu Doktoreak.
 - e) Irakasle Elkartuak
 - f) Irakasle Emerituak.
 - g) Irakasle Bisitariak.
 - h) Lege indardunek aipatzen dituzten gainerako figura guztiak.

4. Unibertsitateak bitarteko gisa bete ahal izango ditu unibertsitate irakaskidegoetako lanpostuak, baita lan- kontratuko langile finkoen postuak ere, behin betikoz bete artean, legez ezarritako prozeduraren arabera. Halaber, irakasle edo ikertzaileak kontratatu ditzake lan edo zerbitzu jakin baterako.

75. ARTIKULUA

Gobernu Kontseiluak, Saileko Kontseiluek aurretik egindako txostenak eta Nafarroako Unibertsitate Publikoko estrategia planaren ondoriozko beharrak kontuan harturik, onetsi egingo du irakasle eta ikertzaileen Lanpostu Zerrenda, baita horren aldaketak ere, lanpostuak gehitu, gutxitu edo izenez aldatzen badira. Hori guztia Unibertsitatearen aurrekontuak garatu, bete eta kontrolatzeko arauak galarazi gabe.

76. ARTIKULUA

Funtzionario edo langile kontratatu izateagatik dauzkatenez gainera, irakasle eta ikertzaileek eskubide hauek izango dituzte:

- a) Katedra askatasunarekin eta ikertzeko askatasunarekin aritzea lanean, muga bakarrak Konstituzioak eta legeek ezarritakoak, eta irakaskuntza plangintzaren eta ikasketen antolamenduaren ondoriozkoak besterik ez dituztela.
- b) Instalazio eta bitarteko egokiak edukitzea irakaslana eta ikerlana behar bezalako segurtasun eta osasun baldintzetan egiteko, ezagupenak eguneratzeko eta irakaskuntza, kultura eta kirol jarduerak garatzeko.
- c) Hobekuntzarako lanbide eta irakaskuntzako prestakuntza jasotzea, irakaskuntzan eta ikerketan egindako merezimenduen arabera garatu dezaten lanbide-karrera.

- d) Ebaluatuak izatea eta ebaluazioaren emaitzen berri izatea, eta kalitatearen ebaluaziorako prozesuetan parte hartzea.
- e) Unibertsitate komunitarearentzat interesa duten gaietarako buruzko informazioa edukitzea, eta, bereziki, Unibertsitateko gobernu organoek hartutako erabakiei buruzkoa, berengan eragina badute.

77. ARTIKULUA

Legeetan ezarritakoez gainera, hauek dira Nafarroako Unibertsitate Publikoko irakasle eta ikertzaileen betebeharrak:

- a) Irakaslana, ikerlana eta kudeaketa-lana arduraz betetzea.
- b) Irakaslana, ikerlana eta kudeaketa-lana hobetzeko, etengabeko prestakuntza garatzea.
- c) Errendimendua ebaluatu eta kontrolatzeko organo eskudunek ezarritako prozeduretara jartzea, eta beren irakaslanen eta ikerlanen berri ematea, Unibertsitateko gobernu eta ordezkari organoek, beren eskumenen esparruan, horrela eskatzen dietenean.
- d) Jardueretan edo organoetan aritzeko izendatuak edo hautatuak izan badira, horietan parte-hartzea.
- e) Unibertsitatearen ondareari begirunea izatea, eta haren instalazio, ondasun eta baliabideak, eta izen eta irudia zuzen erabiltzea.

78. ARTIKULUA

Irakasle eta ikertzaileak sailetan integratuko dira, unibertsitate institutu batekin edo beste ikastegi batekin daukaten atxikipena galarazi gabe. Irakasle bakoitza zein sailetan integratuko den erabakitzeke, kontuan hartuko da sailak zer lotura duen irakasle edo ikertzailearen jakintza arloarekin.

79. ARTIKULUA

Gobernu Kontseiluari dagokio, bere ekimenez edo Saileko Kontseiluak hala proposatuta, aldez aurretik eta nahiko denborarekin erabakitzea zein izango diren hornitzeko lanpostuak irakaskidegoetan, horretarako ezarriko diren irizpideak kontuan hartuta. Lanpostu horien berri arauzko epeetan emango da.

80. ARTIKULUA

1. Unibertsitateak deialdia egingo du unibertsitate irakaskidegoetako lanpostuak betetzeko lehiaketak burutzeko, onetsiak izan badira eta aurrekontuko gastuen egoera-orrian diruz hornituak badaude, lege indardunek gaitzeko ezarritako izapide guztiak bete ondoren.

2. Gobernu Kontseiluak behar diren arauak emango ditu lehiaketa deialdiak egiteko eta horien epeak ezartzeko. Deialdi horiek Estatuko eta Nafarroako Aldizkari Ofizialetan argitaratuko dira. Deialdietan, gutxienez ere, hauek azalduko dira: lanpostu bakoitzaren ezaugarriak, lehiaketetan lanpostuak erabakiko dituzten batzordeen osaera, lehiaketetarako epeak, garatzeko moduak eta aldiak, eta esleitzeko irizpideak.
3. Deialdiaren azken argitalpenaren eta lehiaketaren ebazpenaren bitarteko denbora ez da lau hilabete baino luzeagoa izango, epe hori ez bada luzatzen ezinbesteko kasuren batengatik, luzapenezko inpugnazioengatik edo Errektoreak onartutako beste bidezko arrazoiren batengatik.
4. Lehiaketak ebatziko dituzten batzordeak kide hauek osatuko dituzte:
 - a) Gobernu Kontseiluak izendatutako kide bat.
 - b) Saileko Kontseiluak izendatutako kide bat.
 - c) Gobernu Kontseiluak zozketa bidez izendatutako kide bat deialdiko lanpostuaren jakintza arlo bereko hamar irakasleen artetik, edo, bestela, kideko jakintza arloetakoak direnen artetik, beti ere, Nafarroako Unibertsitate Publikotik kanpokoak badira, eta Saileko Kontseiluak proposatuak.
5. Lehiaketa Batzordeetako kide guztiek irakasteko eta ikertzeko eskumen osoa izango dute, eta lehiaketako lanpostuak duen kidegoaren kategoria bera, baliokidea edo goragokoa, eta gaitze nazionaleko batzordeetan parte hartzeko legez ezarritako gainerako eskakizun guztiak beteta edukiko dituzte.
6. Batzordekide guztiak Errektoreak izendatuko ditu, baita batzordeburua eta idazkaria ere. Prozedura berari jarraituko zaio ordezeko kideak proposatu, hautatu eta izendatzeko.

81. ARTIKULUA

1. Lehiaketak ebatziko dituzten batzordeetakoek kontuan hartuko dituzte, erabakiak hartzerakoan, zein diren izangaien irakaslan, ikerlan eta kudeaketa-lana, lanen kalitatea eta nola egokitzen zaizkien egin beharko dituzten lanei. Izangaiek aurkeztutako merezimenduak egoki balioesteko, elkarrikerria publikoa egingo zaie.
2. Nolanahi ere, erabakietan izangai bakoitzaren balioespena azalduko da, arrazoituta eta zenbakizko puntuazioarekin batera.
3. Gobernu Kontseiluak beharrezko arauak emango ditu lehiaketarako deialdiak egin eta lehiaketak egiteko, baita balioespen irizpide orokorrak ere.

82. ARTIKULUA

1. Lehiaketa Batzordearen proposamenaren aurka, lehiaketara onartutako izangaiek erreklamazioa aurkeztu ahal izango dute Errektorearen aurrean. Erreklamazioa izapidetzeko onartzen bada, izendapen guztiak eten egingo dira behin betiko ebazpena eman arte.
2. Erreklamazioa Batzorde batek balioetsiko du, eta Errektorea edo berak eskuordetua batzordeburu izanda, batzordekide izango dira Klaustroak hautatutako Unibertsitateko sei Katedradun, hainbat jakintza arlotakoak, eskarmentu handikoak irakaslanetan eta ikerlanetan. Agintaldia lau urtekoa izango du, eta bi urtetik behin zati batean berrituko da.
3. Batzordeak legez ezarritako epean ebatzi beharko ditu erreklamazioak.
4. Batzordearen ebazpena, Errektorearentzat loteslea, arrazoitua izango da, eta, baldin badaude, ados ez daudenen botoak azalduko ditu.

83. ARTIKULUA

1. Unibertsitateak, lan kontratupean, irakasle eta ikertzaileak kontratatu ahal izango ditu, kontratu-mota hauetan: Laguntzaileak, Irakasle laguntzaile doktoreak, Irakasle lankideak, Irakasle kontratatu doktoreak, Irakasle elkartuak, Irakasle emerituak, Irakasle bisitariak eta lege indardunek zilegi egiten dituzten gainerako figura guztiak.
2. Langile kontratatuak lehiaketa publiko bidez aukeratuko dituzte, irakasle emerituak eta bisitariak izan ezik.
 - a) Laguntzaileak Doktoretza Programa jakin bat gainditzeko eskatzen diren ikaskizun guztiak gainditu dituztenen artetik kontratatuko dituzte, eta ikerlanean prestakuntza osatzeko xede nagusia izango dute. Irakaslanetan parte ahal izango dute, gehienez ere, unibertsitateko irakasle titular batek dituen irakastorduen erdia harturik, beti ere, horrek ez badie kalterik egiten prestakuntzan.
Kontratu horiek lau urtekoak izango dira, eta ezin zaizkie luzatu. Laguntzaileek lau urte horietan bi ikasturte osokoa den eszedentzia izateko eskubidea dute, edo, bestela, bi eszedentzia, ikasturte oso batekoa bakoitza.
 - b) Irakasle laguntzaileak, berriz, gutxienez bi urte aurretik Nafarroako Unibertsitate Publikoarekin kontratu harremana, estatutu bidezkoa edo bekadunarena, izan ez duten doktoreen artetik kontratatuko dituzte, egiaztatzen badute epe horretan irakaslanetan eta ikerlanetan aritu direla Unibertsitatearekin lotura ez duten ikastegietan. Unibertsitateko irakasle titular batek dituen irakastorduen hiru laurden egingo dituzte, gehienez ere.
 - c) Irakasle lankideak legeak ezartzen dituen jakintza arloetan irakasteko soilik kontratatuko dituzte, Lizentziadun, Arkitekto edo Ingeniari edo

Unibertsitateko Diplomadun, Arkitekto Tekniko eta Ingeniari Teknikoen artetik. Ezin hartuko dute Unibertsitate Eskolako irakasle titular batek dituenak baino irakastordu gehiago.

- d) Irakasle kontratatu doktoreak kontratatuko dituzte gutxienez hiru urteko epean irakaslanean edo ikerlanean, edo nagusiki doktoretza-ondoko ikerlanetan aritu direla egiaztatzen duten doktoreen artetik. Irakasle kontratatu doktoreen artean hainbat mota bereziko dira+, egin duten ibilbidearen arabera, eta irakasten eta ikertzen duten eskarmentuaren arabera. Ezin hartuko dute Unibertsitateko irakasle titular batek dituenak baino irakastordu gehiago.
 - e) Irakasle elkartuak arduraldi ez-osoan lan egiteko eta aldi baterako kontratatuko dituzte, gaitasun ezagutua duten adituen artetik, jarduera profesionala Unibertsitatekanpo dutela egiaztatzen badute.
 - f) Irakasle emerituak aldi baterako kontratatuko dituzte unibertsitate irakaskidegoetako funtzionario erretiratuen artetik, Unibertsitatean zerbitzu nabarmenak eman badituzte.
 - g) Irakasle bisitariak aldi baterako kontratatuko dituzte, entzute handiko irakasle eta ikertzaileen artetik, Espainiako edo atzerriko beste Unibertsitate eta ikerketa zentroetatik heldu badira.
3. Halaber, irakasle laguntzaile doktorearen, irakasle lankidearen edo irakasle kontratatu doktorearen kontratua erdiesteko eskakizuna izango da egindako jardueraren ebaluazio positiboa izatea, Kalitatearen eta Kreditazioaren Ebaluazio Agentzia Nazionalak emana, edo, bestela, Nafarroako Foru Erkidegoak erabakiko duen kanpoko ebaluazio organoak emana.

84. ARTIKULUA

- 1. Irakasle eta ikertzaileen kontratazioa irakasleak kontratatzeko erregelamenduan arautuko da, eta hori Gobernu Kontseiluak egin eta onetsiko du.
- 2. Nolanahi ere, lehiaketa publikoaren bidez egin beharreko kontratazioetan hauek aginduko dute:
 - a) Lehiaketa Nafarroako Unibertsitate Publikoak deituko du, arautegi bidez ezarritako moduan: Lehiaketek behar bezalako publizitatea izango dute, eta Unibertsitate Koordinaziorako Kontseiluari, aldez aurretik nahiko denborarekin, deialdiaren berri emango zaio, Unibertsitate guztietan jakinarazi dezan.
 - b) Lehiaketen deialdian hauek azalduko dira: lanpostuaren izena, zein jakintza arlori dagoen atxikita, egin beharreko lana, kontratuen iraunaldi zehatza eta arduraldi erregimena, lehiaketen epeak, bukaerako epeak eta egitekoaldiak, eta Gobernu Kontseiluak erabakiko duen beste edozein baldintza.

- c) Kontratazio Batzorde lanetan Gobernu Kontseiluak izendatutakoak arituko dira, Errektoreorde bat izango dute buru eta hauek osatuko dituzte:
- (1) Errektoreorde eskuduna edo berak eskuordetua.
 - (2) Gobernu Kontseiluak izendatutako irakaskidegoetako bi irakasle.
 - (3) Saileko Kontseiluak izendatutako irakaskidegoetako bi irakasle, eta gutxienez horietako bat deialdiko lanpostuak duen jakintza arlokoa izango da.
- d) Kontratazio Batzordeko kide guztiek lanpostuari dagokion irakasteko eta ikertzeko eskumen osoa izango dute, eta lehiaketako lanpostuak duen kidegoaren kategoria bera, baliokidea edo goragokoa, eta legez ezarritako gainerako eskakizun guztiak beteta edukiko dituzte.
- e) Langileak aukeratzeko Konstituzioaren berdintasun, merezimendu eta gaitasun printzipioak gordeko dira. Merezimendutzat hartuko da unibertsitate irakaskidegoetarako lehiaketetan parte hartzeko gaitua izatea.
- f) Nolanahi ere, erabakietan izangai bakoitzaren balioespena azalduko da, arrazoitua eta zenbakizko puntuazioa emango duena. Gobernu Kontseiluak beharrezko arauak emango ditu lehiaketan deialdietarako eta lehiaketak egiteko, baita balioespen irizpide orokorrak ere.
3. Erreklamazio Batzorde bat izango da, hainbat jakintza arlotako irakaskidegoetako bost irakaslek osatuko dutena. Irakasle horiek irakaslanetan eta ikerlanetan eskarmentu handikoak izango dira, eta Gobernu Kontseiluak hautatuko ditu bi urteko eperako. Hautatze Batzordearen proposamenen kontrako erreklamazioak irakaskidegoetan sartzeko proposamenen kontrako erreklamazioetarako ezarritako epean eta baldintzetan egingo dira.

85. ARTIKULUA

Irakasle kontratatuek aplikagarri duten Hitzarmen Kolektiboan aurreikusitako lansaria eta gainerako osagarriak izango dituzte, arduraldiaren arabera, baina inoiz ere ez dituzte gaitutuko Nafarroako Foru Erkidegoak ezarritako gehienezko mugak, Unibertsitatei buruzko 55. Artikuluak esleitzen dizkion eskumenak erabiliz, edo, horiek ezean, Gobernu Kontseiluak ezarritakoak.

86. ARTIKULUA

Unibertsitateak, lege indardunen arabera, ohorezko lankideak izendatu ditzake aldi baterako, arduraldi ez-osoan eta jabetza intelektualaren ondoriozko saria besterik ez dutela. Sail jakin bati loturik egongo dira behin-behinean, eta haien

kontura edo besteen kontura jarduera nagusi ordaindua duten adituen artetik izendatuko dituzte, Gobernu Kontseiluak arautegiz erabakiko dituen baldintzetan.

87. ARTIKULUA

1. Gobernu Kontseiluak bekadunen estatutu bat onetsiko du bekadunak hautatu, eta haien eskubide eta betebeharrak arautzeko, bai eta izango duten lankidetzaren erregimena ikerlanean, irakaslanean eta unibertsitate zerbitzuetan.
2. Ikerketarako bekadunak ikasleak izango dira, eta ikerketa proiektuetan laguntza eman dezakete, eta, salbuespen gisa, irakaslanetan, dagokien estatutuak ezarritako mugen barnean.

88. ARTIKULUA

1. Errektorea erabat salbuetsirik egongo da irakasteko eta ikasleei arreta emateko betebeharrak dagokienez.
2. Agintaldi osoa betetzen duenean, Errektoreak, bere ezagutzak eguneratzeko, irakaslanetik salbuetsita egon daiteke, hala eskatzen bada, eta, gehienez ere, urtebetez, eta eskubidea izango du katedradun izateagatik dauzkan lansari guztiak jasotzeko.
3. Gobernu Kontseiluak, dauzkan eskumenen esparruan, irakasteko betebeharrak murrizteko erregimena erabakiko du, nolakoa den gobernu organoetan aritzeko behar den arduraldia. Hala ere, bere eskumenen esparruan, Errektoreak, Unibertsitateko beste kargu batzuk izendatzean, parekatu egin ditzake kargu horiek betetzeagatik ematen diren murrizketa eta ordainsaria, gobernu organoetan edo arautegi indardunean dauden karguetan aritzeagatik ematen direnekin.
4. Kide bakarreko gobernu-organo izaera dutenek ezin izango dute bestelako kargurik bete Nafarroako Unibertsitate Publikoan. Era berean, ezin izango dira baliatu irakaskuntzaren salbuespen oso nahiz ez-osoaz, baldin eta ordaindutako irakaslanetan modu iraunkorrean parte hartzen badute, Nafarroako Unibertsitate Publikoaren barnekoak nahiz kanpokoak, salbu eta soil-soilik dietak sortzen dituzten irakaslanak badira.

89. ARTIKULUA

1. Nafarroako Unibertsitate Publikoak ikasketa lizentziak ematea bultzatuko du arduraldi osoa duten irakasleek irakaslanak edo ikerlanak egiteko, beti ere, lan horiek Estatuko nahiz atzerriko unibertsitate, instituzio edo ikastetxe batekin lotura badute, aurrekontuen horniduraren arabera eta irakaskuntza bermatzen bada. Nolanahi ere, eskaerarekin batera Saileko Kontseiluaren txostena ere aurkeztuko da.
2. Nafarroako Unibertsitate Publikoak Laguntzaile lanpostua izan dutenen mugikortasuna erraztuko du, Unibertsitatei buruzko Lege Organikoak kontratazio figura batzuentzako dituen eskakizunak betetzeko.

3. Gobernu Kontseiluak onetsiko du artikulua honetan aurreikusten den lizentzien erregimena.

90. ARTIKULUA

1. Unibertsitate publikoetan arduraldi osoko jardueran 6 urtez etengabe aritutakoan, unibertsitate irakaskidegoetako irakasle doktoreek irakaskuntzako eginbeharretatik erabat salbuetsita egoteko urte sabatikoa har dezakete, ikerlanak edo hobekuntza lanak egin behar badituzte, eta hori Gobernu Kontseiluak finkatutako prozedurari jarraikiz egingo dute. Urte sabatiko horretan legeak onartzen dituen lansariak jasoko dituzte.
2. Urte sabatikoa hartzeko eskaera, behar bezala justifikatua, Gobernu Kontseiluak onetsiko du Sailari entzun ondoren.
3. Nafarroako Unibertsitate Publikoak irakasleek urte sabatikoak har ditzaten, kontu-sail bat aurreikusiko du aurrekontuetan, Gizarte Kontseiluaren eskumenak galarazi gabe.

91. ARTIKULUA

Ikasketak egiteko edo urte sabatikoa hartzeko baimena emateak inoiz ez du ekarriko unibertsitate irakaskidegoetako edo irakasle laguntzaile doktoreen edota irakasle kontratatu doktoreen plantilla handitzea.

92. ARTIKULUA

Errektoreak unibertsitate irakaskidegoetako irakasleei zerbitzu-eginkizunak betetzeko baimena eman ahal izango die, ikasturte baterako, bakoitzari dagokion sailari entzun ondoren. Zerbitzu-eginkizun horiek gehienez ere bi aldiz berritu ahal izango dira, sailak aldeko txostena egin ondoren.

93. ARTIKULUA

1. Ikerketarako beharrei begira eta Gobernu Kontseiluak finkatzen dituen arauekin bat etorritik, sailek unibertsitate irakaskidegoetako irakasleak irakaskuntza-betekizunetatik salbuetsi ahal izango dituzte, erabat edo zati batean, eta gehienez ere, urtebetez. Horrelakoetan, sailek behar diren ordezkioak jartzeko neurriak hartuko dituzte.
2. Ordezkozta horiek betetzeko Sailek, bakoitzari dagokion Kontseiluari entzun ondoren, arduraldi osoa duten unibertsitate irakaskidegoetako irakasle batzuei edo irakasle kontratatu batzuei irakaskuntza-betekizun gehiago eman diezazkiekete, baina inoiz ere ez diete emango unibertsitateko irakasle titular batek astean dituen orduen herena baino gehiago.

94. ARTIKULUA

Nafarroako Unibertsitate Publikoan eta lanpostuan, gutxienez bi urteko antzintasuna duten unibertsitate irakaskidegoetako funtzionarioei, Unibertsitatei buruzko Lege Organikoaren 67. artikuluko bigarren atalak *in fine* aurreikusten duen borondatezko

eszedentzia egoeraz baliatzen direnean, kidego eta jakintza arlo berean lanpostua erreserban edukitzeko eskubidea gordeko zaie, eta Unibertsitateak ezin izango du amortizatu, ezta behin betikoz bete ere, irakaskidegoetako funtzionarioekin edota denbora mugagabeko kontratatuekin.

95. ARTIKULUA

Gobernu Kontseiluak agertutako egoeren ondorioz lanpostuak berehalakoan eta aldi baterako betetzeko arautegi erregulatzaileraren onetsiko du, eta behar bezala bermatuko du gorabehera horientatik sortutako irakaskuntza beharrak beteko direla.

II. KAPITULUA IKASLEAK

96. ARTIKULUA

1. Nafarroako Unibertsitate Publikoko ikasleak dira bertan matrikulatuta dauden guztiak. Unibertsitatearen organoetan parte hartu eta ordezkari izateari begira, ikasle izango dira soilik lurralde nazional osoan ofizialak eta baliogabekak diren tituluak erdiesteko ikasketetan matrikulatuta daudenak.
2. Gobernu Kontseiluak ikasleen beste egoera batzuei aplikatu dakiekeen erregimena onetsi ahal izango du.

97. ARTIKULUA

Nafarroako Unibertsitate Publikoko ikasleen eskubideak dira:

- a) Prestakuntza osoa jasotzea eta kalitatezko irakaskuntza kritikoa, zehatza, eguneratua eta didaktikaren aldetik egokia.
- b) Matrikula egin aurretik, titulazio bakoitzeko eskaintza eta irakaskuntza programazioaren berri izatea, eta irakasgaien programak eta orduak, deialdi ofizialen egunak eta ebaluazio irizpide orokorrak ezagutzea.
- c) Ikasleek ikasitako en egiaztapena arautuko duten Unibertsitatearen arauak jakinaraztea, bai eta kalifikazioak eta horien berrikuspena ere, prozedura eraginkor eta banakakoa erabiliz, eta akta ofizialetan datuak jaso aurretik.
- d) Ikasketak modu egokian garatzeko behar bezalako eraikuntzak beren esku izatea.
- e) Eskolaz kanpoko jardueretan parte hartzea, balioen, kulturaren, kirolaren eta gizarte elkarbizitzaren arloetan hezteko, eta gaitasun kritikoa garatzeko.
- f) Unibertsitatearen ordezkari izatea eta gobernu organoetan parte hartzea, Estatutu hauetan ezarritako moduan.
- g) Bekei eta ikasteko laguntzei buruzko argibideak edukitzeko modua izatea, baita zuzeneko interesa izanda, gai jakin batzuei buruzkoak ere, gardentasun printzipioari jarraituz.
- h) Elkartzeko eskubidea erabilgarri egiten duten baliabideak beren esku izatea, Unibertsitatearen ahalmenen arabera.

i) Irakaskuntza ebaluatzeko prozesuetan parte hartzea.

98. ARTIKULUA

Nafarroako Unibertsitate Publikoko ikasleek eginbehar hauek dituzte:

- a) Unibertsitate ikasle diren aldetik dagokien ikaslana egitea, nahikoa probetxugarri izateko.
- b) Unibertsitatearen ondareari begirunea izatea, eta haren instalazio, ondasun eta baliabideak zuzen erabiltzea.
- c) Zein kargutarako izan diren hautatuak edo izendatuak, kargu horiek arduraz betetzea.
- d) Unibertsitateko komunitateko gainerakoekin elkarlanean aritzea Unibertsitateak ongi funtzionatu dezan eta zerbitzuak hobetu ditzan.

99. ARTIKULUA

1. Ikasleen Kontseilua, Errektoreorde eskudunaren mende egongo dena, hau da: Unibertsitateko ikasleek eztabaidatzeko, kontsultarako eta ordezkariarako duten organoa.
2. Ikasleen Kontseilua Unibertsitateko Klaustroan ikasleen ordezkari direnek osatuko dute eta Unibertsitatean diren taldeko ordezkariak.
3. Ikasleen Kontseiluak, gutxienez ere, kontseiluburua eta idazkaria izango ditu eta Batzorde Iraunkor bat.
4. Kontseilua, gutxienez ere, urtean behin ohiko bilera bat egingo du kontseiluburua eta Batzorde Iraunkorreko kideak hautatzeko.

100. ARTIKULUA

1. Ikasleen Kontseiluko burua, bere eskumenen esparruan, ikasleen ordezkari gorena da edozein erakunderen aurrean. Kontseiluko Idazkariak kontseiluburuari laguntzeko eginkizuna izango du, eta bileretako aktak gordetzeko.
2. Artikulu honetan aipatzen diren ordezkarien agintaldia ikasturte batekoa izango da. Guztiak ere aldatu egin daitezke, hautatu zituen taldeko herenak hala proposatuta, horretarako deitutako bileran daudenen gehiengo absolutuaz.

101. ARTIKULUA

Unibertsitateak, bere ahalmenen arabera, funtzionamendu zuzenerako behar dituen baliabideak emango dizkio Ikasleen Kontseiluari.

102. ARTIKULUA

Ikasleen Kontseiluak eskumen hauek dauzka:

- a) Osaera eta funtzionamendua arautzeko erregelamendua egitea, gero Gobernu Kontseiluari onesteko emango zaiona.
- b) Bideratu, eztabaidatu, proposatu, eta, hala behar izanez gero, gauzatzea Unibertsitateko ikasleengandik sortutako ekimenak, aurreko hizkian aipatutako arautegian erabakitako unibertsitate bideetatik.
- c) Unibertsitate komunitatearengan eragina duen informazioa jaso eta ikasleei ematea.
- d) Esleitzen zaizkion baliabide eta bitartekoak administratzea.
- e) Unibertsitatearen zerbitzuei dagozkien ebaluazio prozesuetan parte hartzea.
- f) Kalitate Batzordean ordezkariak hautatzea.
- g) Arautegiak ezartzen duenaren arabera, Ikastegiko Batzordeetan eta Saileko Kontseiluetan parte hartuko duten ordezkariak hautatzea.
- h) Arautegiak ezartzen duenaren arabera, beste erakunde edo organismoek eskatzen dituztenean, Ikasleen Kontseiluko ordezkariak hautatzea.

103. ARTIKULUA

- 1. Nafarroako Unibertsitate Publikoko talde bakoitzak ordezkari bat eta, gehienez ere, bi ordezkariorde izango ditu.
- 2. Gobernu Kontseiluak onetsiko duen arautegian erabakiko da ordezkariak eta ordezkariordeak hautatzeko modua, Ikasleen Kontseiluari entzunda.

104. ARTIKULUA

- 1. Hauek dira taldeko ordezkariaren eginkizunak:
 - a) Dagokien taldeko ikasleen ordezkariak izatea Ikasleen Kontseiluan, Fakultate edo Eskolako Kontseiluetan, eta, horretarako hautatuak izan badira, Fakultate edo Eskolako Batzordeetan eta Saileko Kontseiluetan.
 - b) Behar diren adierazpenak egin eta helaraztea, ikasleen eta Nafarroako Unibertsitate Publikoko edozein organoren arteko harremanak behar bezalakoak izan daitezen.
 - c) Unibertsitateko gobernu eta ordezkari organoetan ikasleen ordezkari direnei organo horietara eraman beharreko proposamen, eskaera eta kexak eramatea.
 - d) Dagokien talde edo ikasmilako ikasleen proposamenak, eskaerak eta kexak irakasleei jakinaraztea.

- e) Eginkizuna zuzen betetzeko, egoki iruditzen zaien guztietan, ikasmaila edo taldeko ikasleei dei egitea, irakaskuntzako programazioa ahal den gehiena errespetatuz
 - f) Karguko eginkizunak errazago egiten laguntzeko asmoz, bileretara joateko dei egiten zaien guztietan, haietara joatea.
 - g) Unibertsitateak legez dauzkan helburuak garatzen eta horien kalitatea hobetzen laguntzea.
 - h) Ordezkaritza aldi behar bezala aritzeko beharrezko dituen beste edozein eginkizun betetzea.
2. Taldeko ordezkariak, arautzen duen arautegiari jarraikiz, artikuluko honetako d) hizkitik h)-ra bitartekoetan diren eginkizunak ordezkariordeei eman ahal izango dizkie.

III. KAPITULUA. ADMINISTRAZIO ETA ZERBITZUETAKO LANGILEAK

105. ARTIKULUA

1. Nafarroako Unibertsitate Publikoaren administrazio eta zerbitzuetako langileek Unibertsitateko komunitatean eginkizun tekniko, administratibo eta kudeatzekoak bere gain hartzen dituen sektorea osatzen dute, baita aholku eta laguntza emateko lana ere Unibertsitatearen eginkizunak garatzean, beti ere, beren eskumenen esparruan.
2. Nafarroako Unibertsitate Publikoaren administrazio eta zerbitzuetako langileria bertako funtzionarioek eta lan edo administraziozko kontratazio-erregimenean diharduten langileek osatzen dute, bai eta beste Administrazio Publikoetako langileek ere, beti ere, lege indardunek aurreikusitako eran betetzen badituzte beren eginkizunak, Nafarroako Unibertsitate Publikoan.

106. ARTIKULUA

1. Administrazio eta zerbitzuetako langile funtzionarioengan Nafarroako Foru Erkidegoko funtzio publikoari buruzko legeek aginduko dute, Unibertsitatearen esparruan ezarriko diren berezitasunak galarazi gabe.
2. Administrazio eta zerbitzuetako lan-kontratatuengan lan-legeek eta aplikagarri duten hitzarmen kolektiboak edo hitzarmen kolektiboek aginduko dute.
3. Lege indardunek zilegitzen duten neurrian, Unibertsitateko langile kontratatuen erregimena eta lan baldintzak Nafarroako Administrazio Publikoetan langile kontratatuek dituzten baldintzekin berdinduko dira, Unibertsitateak dauzkan berezitasunak galarazi gabe.

107. ARTIKULUA

Nafarroako Unibertsitate Publikoko administrazio eta zerbitzuetako langileek, lege indardunek onartutako beste batzuez gainera, honako eskubide hauek dituzte:

- a) Unibertsitatearen gobernu eta ordezkari organoetan parte hartzea, Estatutu hauetan xedatutakoari jarraikiz.
- b) Unibertsitatearekin batera erabakitzea, bere ordezkari organoen bidez, zein lan baldintzak izango dituzten.
- c) Lanpostuari esleitutako eginkizunak zein diren jakitea, eta horiek egiteko informazioa eta baliabide egokiak edukitzea.
- d) Nork bere prestakuntza, hobekuntza eta sustapena jasotzea, bere lanaren esparruan.
- e) Unibertsitatearen eraikuntza eta zerbitzuak erabiltzea, hauen xedeei eta erregulatzen dituzten arauari jarraikiz.

108. ARTIKULUA

Nafarroako Unibertsitate Publikoko administrazio eta zerbitzuetako langileek, indarrean diren legeek ezarritakoez gain, honako eginbehar hauek dituzte:

- a) Beren lanpostuari esleituriko eginkizunak eta Unibertsitatearekin duten harremana dela medio sortzen diren beste horiek ere betetzea.
- b) Emandako eginkizunak betetzeko prestatzea eta hobetzea, horretarako bideratutako jardueretan parte hartuz.
- c) Nafarroako Unibertsitate Publikoaren hobekuntzarako, haren xedeak burutzeko eta zerbitzu publikoa den aldetik haren funtzionamendua hobetzeko beren esku dagoena egitea.
- d) Unibertsitatearen ondareari begirunea izatea eta bera zaintzea.
- e) Zein kargutarako izan diren hautatuak edo izendatuak, kargu horiek arduraz betetzea.

109. ARTIKULUA

1. Nafarroako Unibertsitate Publikoan zerbitzu ematen duten funtzionarioak titulazio mailetan egituratuko dira, funtzionarioei buruzko foru legeetan haietan sartzeko eskatzen diren titulazio mailen arabera.
2. Lan-kontratuko langileek lanbide talde eta izendapenetan egituratuko dira, lan-arautegietan eta haien Hitzarmen Kolektiboetan xedatutakoaren arabera.
3. Ez da zilegi izango administrazio eta zerbitzuetako langileak beren lanpostuei ez dagokien eginkizunik egitera behartzea.
Maila handiagoko lanpostu bati dagozkion eginkizunak ematen zaizkienean, eginkizun eta lansari berriak esleitzeko, lege indardunetan xedatutakoari jarraituko zaio.
4. Nafarroako Unibertsitate Publikoak plantilla egituratzeko bere dokumentua egingo du, lanbide talde eta izendapenetan sartzeko eskatzen diren titulazio mailen arabera, eta, eginkizunen antzekotasunari begira, Administrazio Publikoetan dauden edo sortzen diren baliokideak izango dira.

110. ARTIKULUA

1. Gobernu Kontseiluak, Kudeatzaileak proposatuta, onetsi behar du lanpostuen zerrenda, eta Kudeatzaileak egingo du, ordezkari organoekin negoziatu ondoren, eta Unibertsitateko sail, ikastegi eta administrazio unitateek azalduko irakaskuntzako, ikerkuntzako eta kudeaketako beharren arabera.
2. Plantilla egituratzeko dokumentuak hauek jasoko ditu gutxienez:
 - a) Funtzionario eta lan-kontratuko langileentzat gordetako lanpostuak.
 - b) Lanpostuak zein unitate organikori eratzikitzen zaizkion.
 - c) Lanpostuen izena.
 - d) Izen bereko lanpostuen kopurua.
 - e) Lanpostuak sailkatzeko hierarkia-mailak eta zailtasun eta ardura graduak.
 - f) Lanpostuaren eginkizunak.
 - g) Arduraldia.
 - h) Lanpostu bakoitzari esleituriko ordainsari osagarriak.

111. ARTIKULUA

1. Daukan autonomiaren arabera, Nafarroako Unibertsitate Publikoak hautatuko ditu administrazio eta zerbitzuetako bere langileak, berdintasun, merezimendu eta gaitasun printzipioak, bai eta publizitatearena ere, bermatuz.
2. Lanpostuen zerrendan azaltzen diren lanpostu hutsak betetzeko hautaprobetarako deialdiak Errektoreak egingo ditu, arrazoirik gabeko berandutza izan gabe, eta hark ere aginduko du Estatuko Aldizkari Ofizialean eta Nafarroako Aldizkari Ofizialean argitara daitezen.

112. ARTIKULUA

1. Funtzionarioen egiturako lanpostuak hautatzeko epaimahaien jarduerak eta ebazpenak publikoak izango dira. Epaimahai horiek gutxienez ere bost kidek osatuko dituzte, honela banatuta:
 - a) Errektorea edo berak eskuordetua, batzordeburu izango baita.
 - b) Idazkari Nagusia edo berak eskuordetua.
 - c) Ordezkari bat Nafarroako Foru Erkidegoan dauden administrazio publikoetako edo Estatuko beste unibertsitate publikoetako.
 - d) Mahaikide bat Nafarroako Unibertsitate Publikoko administrazio eta zerbitzuetako langileei dagokiena, Administrazio eta Zerbitzuetako Langile Batzordeak izendatua.
 - e) Mahaikide bat Nafarroako Unibertsitate Publikoko administrazio eta zerbitzuetako langileei dagokiena, Giza Baliabideen Unitateko arduradunak izendatua epaimahaian parte hartzeko interesa erakutsi dutenen artetik. Mahaikide horrek idazkari lanak egingo ditu.
2. Lan-kontratuko lanpostuetarako epaimahaiak lege indardunei lotuko zaizkio eta Errektoreak izendatuko ditu haien epaimahaiburuak. Epaimahaiburuak, hala behar denean, kalitate botoa izango du.

113. ARTIKULUA

1. Lanpostu hutsak betetzeko, eta behe mailako Unibertsitateko funtzionarioak sustatzeari begira, Gobernu Kontseiluak erabakiko duen lanpostu kopurua gordeko da.
2. Lan-kontratuko langileen sustapena haien hitzarmenetan xedatua denaren arabera egingo da.

114. ARTIKULUA

Administrazio eta zerbitzuetako langileen ordezkari organoak Langile Funtzionarioen Batzordea, eta, baldin bada, Enpresa Batzordea edo ordezkari sindikalena izango dira, eta haiek beren eskumenen esparruan beteko dituzte eginkizunak.

IV. KAPITULUA. UNIBERTSITATE KOMUNITATEKO ARARTEKOA

115. ARTIKULUA

1. Unibertsitateko Komunitatearen Arartekoa da Klaustroaren komisionatu gorena, Unibertsitateko komunitateko partaide guztien eskubideak defendatu eta babesteko ardura duena, bai eta Estatutu hauetan xedatutakoa betetzekoa ere. Horretarako, Unibertsitatearen irakaskuntza eta administrazio jarduerak ikuskatu ahalko ditu, bai eta interesdun guztiei aholkuak zuzendu ere.
2. Unibertsitateak behar diren baliabideak emango dizkio bere eginkizunak betetzeko.

116. ARTIKULUA

1. Klaustroak hautatuko du Unibertsitateko Komunitatearen Arartekoa, Unibertsitateko komunitateko partaideen artetik eta klaustrokideen gehiengo absolutuaren bidez, bere barne-eraentzako arautegian xedatutako prozedurarekin bat etorriz.
2. Haren agintaldia lau urtekoa izango da eta bata bestearen segidako bi agintaldi besterik ezin egingo du.
3. Kargua utziko du Klaustroak, lehenengo idatz-zatian aurreikusitako gehiengo bera izanda, erabaki hori hartzen duenean, hauetako arrazoiren bat dela eta: berak eskatuta, eginkizunak ez betetzeagatik edo eskubideak kaltetzeko moduko ekintzengatik.

117. ARTIKULUA

1. Unibertsitateko Komunitatearen Arartekoa ez dago behartua aginduzko inolako manurik betetzera, ez eta agintari akademikoen, gobernu organoen nahiz Unibertsitateko komunitateko beste partaideren baten jarraibiderik burutzera ere.

2. Ofizioz nahiz parte batek eskatuta jardungo du eta jarduteko eskariak ez dira inongo formalitatearen pean egongo, artikuluko honen 4. zenbakian aurreikusten den arautegikoak salbuespen bakarria direla.
3. Unibertsitateko Komunitatearen Arartekoak Nafarroako Unibertsitate Publikoaren barneko edozein agiri izango du eskuragai. Unibertsitateko Komunitateko partaide guztiek dute bere eginkizunak betetzean Arartekoak zuzentzen dizkien eskariak eta errekerimenduak aintzat hartu beharra.
4. Klaustroak, Unibertsitateko Komunitateko Arartekoak proposatuta, erakundearen funtzionamendurako arautegia onetsiko du, baita horren aldaketak ere.
5. Unibertsitateko Komunitatearen Arartekoak urtero txosten bat egingo du eta Klaustroari aurkeztuko dio.

V. KAPITULUA. EUSKARA UNIBERTSITATEAN

118. ARTIKULUA

1. Gaztelania eta euskara Nafarroako hizkuntzak dira, eta, beraz, unibertsitateko kide guztiek dute biak jakin eta erabiltzeko eskubidea, hurrengo artikuluko ezarritako moduan.
2. Nafarroako Unibertsitate Publikoan euskara administrazioan nola erabiliko den erabakitzeke erreferentziatzen hartuko dira organo eskudunek lege indardunei jarraikiz ematen dituzten hizkuntza jarraibideak.

119. ARTIKULUA

1. Unibertsitateko Komunitateko partaide guztiek eskubide hauek dituzte:
 - a) Unibertsitatearen gobernu organo eta administrazio zerbitzuetara zuzentzean, Foru Erkidegoko bi hizkuntzetako edozeinetan hitz egitea.
 - b) Unibertsitateko bileretan Nafarroak dituen bi hizkuntzetako edozeinetan hitz egitea.
 - c) Unibertsitateak euskaraz eskaintzen dituen irakasgaietan irakaskuntzak euskaraz jaso eta eskaintzea, bai eta lanak, azterketak edo probak euskaraz egitea ere, Legeak ezartzen duen moduan.
2. Unibertsitateko organo guztiek, beren eskumen esparruetan, behartuta daude eskubide horiek bermatzen. Horretarako, Unibertsitateak behar diren baliabideak jarriko ditu.

120. ARTIKULUA

1. Gobernu Kontseiluak, Hizkuntza Plangintzarako Batzordeak proposatuta, irakaskuntza jardueretan euskara erabiltzeko plangintza onetsiko du. Plangintza hori urte anitzekoa bada, Gizarte Kontseiluari emango zaio onesteko.
2. Unibertsitatea euskarazko irakaskuntza jarduerak garatzeaz arduratuko da eskaintzari eta gizarteko beharrei jarraituz.

121. ARTIKULUA

1. Irakasleak eta administrazio eta zerbitzuetako langileak prestatu eta kontratatzeko politika garatuko du Unibertsitateak, irakaskuntza euskaraz ezartzeko eta administrazio eta lan harremanetan euskararen erabilera bermatzeko, Legeak ezarriko duen esparruan.
2. Unibertsitateak erabakiko du zein diren euskara jakiteko eskakizuna duten irakasleen lanpostuak, eta, behar badira, ikertzaileen lanpostuak, bai eta administrazio eta zerbitzuetako langileenak ere.
3. Euskara jakiteko eskakizuna ez duten lanpostuak betetzeko lehiaketetan, Gobernu Kontseiluak erabakiko du nola balioetsi hizkuntza horren ezagupena, lanpostuaren ezaugarrien arabera, lege indardunek erabakitzen duten moduan.

122. ARTIKULUA

Barneko eta kanpoko administrazio dokumentazioan euskara eta gaztelania erabil daitezten saiatuko da Unibertsitatea, eta bermatuko du bi hizkuntzak erabiliko direla inprimaketan, paperetako menbreteetan, barne eta kanpoko irudi eta errotulaziorako jardueretan, eta euskararen arloan publizitatea eta sustapena egitekoan, bai eta Nafarroako Foru Erkidegoan dauden administrazio publikoekin eta eremu horretako beste batzuekin dituen instituzio mailako harremanetan ere.

123. ARTIKULUA

Hizkuntza plangintzari begira, Nafarroako Unibertsitate Publikoak harremanak izaten saiatuko da euskararen arloan lan egiten duten organismo publiko eta pribatuekin.

124. ARTIKULUA

Gobernu Kontseiluak Hizkuntza Plangintzarako Batzorde bat sortuko du, eta horren eginkizunak izango dira proposamenak egitea Unibertsitatean euskara erabiltzeko plangintzari buruz, eta hizkuntza politikaren jarraipena egitea Unibertsitatean.

125. ARTIKULUA

Euskararako Unitate Teknikoa Hizkuntza Plangintzarako Batzordeari laguntzeko baliabide teknikoa da, eta eginkizunak izango ditu itzulpenak egitea, administrazio-agirietan euskararen erabilera zuzena zaintzea, gobernu organoei euskara gaietan aholku ematea eta esleitu dakioken beste edozein eginkizun.

BOSGARREN TITULUA

UNIBERTSITATEKO KOMUNITATERAKO ZERBITZUAK

126. ARTIKULUA

Nafarroako Unibertsitate Publikoak behar diren administrazio unitateak sortu, antolatu eta mantenduko ditu irakaskuntzari, ikerketari, teknologia eta jakintzaren

transferentziari eta unibertsitate hedapenari laguntzeko, eta berdin egingo du Unibertsitateko komunitateari arreta emateko zerbitzuekin, bere eginkizunak hobeki bete ditzaten.

127. ARTIKULUA

1. Unibertsitateak, gobernu organo eskudunek erabakitako jarraibideekin bat, bermatu egingo du administrazio unitateen antolamendua eta funtzionamendua, gutxienez honako unibertsitate zerbitzu hauek ematen badituzte:
 - a) Unibertsitateko irakaskuntzaren, ekonomiaren, administrazioaren eta giza baliabideen kudeaketa, kalitatearen kudeaketa barne.
 - b) Unibertsitateko irakaskuntza jarduerak eta kudeaketak funtzionatzeko egoki diren informatika baliabideak erabiltzeko eta funtzionatzeko moduan edukitzea, eta eguneratzea.
 - c) Irakaskuntza eta kudeaketa jarduerak eraginkortasunez egiteko behar diren informazio zientifiko, tekniko eta profesionalerako baliabideak erabili eta hedatzeko sistema.
 - d) Ikerketarako eta teknologia eta jakintzaren transferentziarako laguntza eta horien kudeaketa, finantza iturri publiko edo pribatueterako bidea erraztuz, baita gai horietarako bitartekotza ere hirugarren entitate batzuekin.
 - e) Unibertsitate hedapeneko jardueri lagundu eta horiek kudeatzea, kasuan kasu, kultura eta kirol jarduerak eta eginkizun horietarako gizartearekin dauden elkarlaneko bideak ere barnean hartuta.
 - f) Interesekotzat hartzen diren lan zientifiko, tekniko edo artistikoen argitalpen mota guztiak programatu eta burutzea, euskaraz, gaztelaniaz edo beste edozein hizkuntzatan eta edozein euskarritan.
 - g) Unibertsitatearenak diren agiri guztien zaintza integratua eta erabiltzeko kudeaketa, edozein dutela ere izaera, garaia eta euskarria.
 - h) Hizkuntzak ikasi eta hobetzeko jardueretarako laguntza eta kudeaketa.
2. Unibertsitateko komunitateari arreta emateko zerbitzuen artean, kasuan kasu, hauek izango dira: Unibertsitateko komunitateko kideen mugikortasunari laguntzekoak, lanbide-orientazioarenak, ikasketetan laguntzekoak, gizarte zerbitzuak eta unibertsitate egoitzarako direnak.

128. ARTIKULUA

1. Unibertsitate zerbitzuak emateko ardura duten administrazio unitateak Errektoreak ebazpen bidez sortu, aldatu edo kenduko ditu, Kudeatzaileak proposatuta.
2. Unibertsitate zerbitzuak emateko ardura duten administrazio unitateak sortzeko Errektorearen ebazpenetan azalduko da zein giza baliabide eta baliabide material esleitu behar zaizkien beren jardueretarako, Gizarte Kontseiluak aurrekontu gaietan dituen eskumenak galarazi gabe.

129. ARTIKULUA

1. Unibertsitate zerbitzuak emateko ardura duten administrazio unitateak Kudeatzailetzaren mendekoak izango dira organikoki eta, kasuan kasu, funtzionalki,

131. artikulua araberaz ezarriko diren egoeretan izan ezik, eta, zein dituzten eskumenak, Zuzendaritza Kontseiluaren eta Unibertsitatearen gainerako gobernu organoen estrategia jarraibideei begira arituko dira.

2. Unibertsitate zerbitzuak emateko ardura duen administrazio unitate bakoitzak zuzendaritza bakarra edukiko du, bere kudeaketa eta funtzionamenduaren erantzule izango dena. Bai zuzendaritza-lanak, bai lan tekniko eta administratiboak Unibertsitatearen beraren langile teknikoek egingo dituzte, profesionaltasun, kualifikazio eta esperientzia irizpideei jarraituz, edo, bestela, beste administrazio publikoko langileek egingo dituzte, lege indardunetan aurreikusitako egoeren arabera.
3. Unibertsitate zerbitzuak emateko ardura duen administrazio unitate bakoitza eskuduna izango da bere gaiekin zerikusia duten baliabide eta jardueren gainean.

130. ARTIKULUA

Unibertsitatearen Kalitate Batzordeak unibertsitate zerbitzuen kalitatea etengabe hobetu dadin zainduko du, eta horretarako mekanismo egokiak jarriko ditu, erabiltzaileek horretan parte hartuko dutela.

131. ARTIKULUA

Unibertsitate zerbitzu jakin batzuk Unibertsitatearen entitate instrumentalaren bidez eman ahal izango dira. Halaber, beste entitate batzuen bidez ere eman ahal izango dira, Errektoreak sinatutako hitzarmen edo kontratuak izanda. Hitzarmenak badira, Gobernu Kontseiluak berretsiko ditu.

SEIGARREN TITULUA

EKONOMIA ETA FINANTZA ERREGIMENA.

I. KAPITULUA. XEDAPEN OROKORRAK

132. ARTIKULUA

Nafarroako Unibertsitate Publikoak autonomia dauka ekonomia eta finantza gaitan, eta bere ekonomia eta finantza lana betetzean hauei jarraituko die: Unibertsitateei buruzko Lege Organikoak ezarritakoari, Nafarroako Foru Erkidegoko sektore publikoari aplikagarri zaizkion finantza eta aurrekontuei buruzko legeei eta estatutu hauei.

133. ARTIKULUA

1. Urteanitzeko programazioaren finantzazioa ematen duten Gobernu Kontseiluak ezarritako estrategia-ildoaren esparruaren barnean egingo dira Unibertsitatearen aurrekontuak.

2. Helburu eta jardueren plangintza eraginkorra izan dadin, urteanitzeko programazioak, estaldura moduan, Foru Erkidegoarekin egindako finantzazio hitzarmen bat izango du, edo ematen ahal den Unibertsitatea Finantzatzeko Legea.

II. KAPITULUA. EKONOMIA ETA FINANTZA KUDEAKETA

134. ARTIKULUA

1. Nafarroako Unibertsitate Publikoaren aurrekontua publikoa, bakarra eta orekatua izango da. Baimenduriko gastu guztiak hartuko ditu, eta, Unibertsitatei buruzko 81. artikulua ezarritakoaren arabera, Unibertsitateak urte natural bakoitzean egiten dituen diru-sarreraren zenbatespena ere.
2. Kontuak emateko eta ekonomia eta finantza kudeaketaren gardentasunari begira, aurrekontuaren egitura, kontabilitate sistema eta urteko kontuak dauzkaten dokumentuak arlo publikorako oro har emandako araei egokitu beharko zaizkie, eta Foru Erkidegoak berezitasun handiagoz ezarri ditzakeenari, Unibertsitatei buruzko 82. artikuluan aurreikusari jarraikiz.
3. Artikulu honen 2. zenbakian xedatua galarazi gabe, Nafarroako Unibertsitate Publikoaren aurrekontua betearazteko oinarriek helburutzat izango dute eraginkortasun eta eragimen handiena ahalbidetzea Unibertsitatearen ekonomia kudeaketan.
4. Urteanitzeko programazioa denean, aurrekontuarekin batera, urtero programa betetzen ote den jakiteko ebaluazioa egingo da. Aurrekontua onesten denean, urteanitzeko programazioan aurreikusitako kredituak baimendutzat joko dira.
5. Kudeatzaitzak aurrekontuaren aurreproiektua egingo du, eta horretan Foru Erkidegoari eskatzen zaion finantzazioaren zenbatekoa adieraziko du. Finantzazioaren zenbatekoak aurreikusi eta zehazteko hitzarmen edo finantzazio legerik ez bada, Errektoreak Foru Erkidegoko Gobernuari txosten bat bidaliko dio, hirugarren hiru hilekoa bukatu aurretik, eskatutako zenbatekoa zein den zehazteko.
6. Eskatutako finantzazioa zehazturik, Gobernu Kontseiluak aurrekontuaren proiektua onetsiko du, eta, dagoenean, urteanitzeko programazioa, Gizarte Kontseiluari onesteko emango diona. Gizarte Kontseiluak onetsirik, Foru Erkidegoko Gobernura bidaliko da.
7. Kudeatzaitzak, araeekin bat eginez, aurrekontuak betetzeari eta kitatzeari buruzko kontabilitate-agiriak egingo ditu, Gobernu Kontseiluak proposatuta, Gizarte Kontseiluak onesteko eskatzen dizkionak.

135. ARTIKULUA

1. Errektoreak, Gobernu Kontseiluak aurretik baimenduz gero, kreditu-eragiketak adostu ditzake. Aurrekontuaren indarraldia gainditzen duten eragiketek Gizarte Kontseiluaren aldeko txostena eduki beharko dute, eta Foru Erkidegoak onetsiko ditu azkenean.

2. Unibertsitatei buruzko 81.3 h) artikuluan aurreikusitako baimena inplizitua dela ulertuko da, besterik gabe, aurrekontuaren ehuneko 5 gainditzen ez duten diruzaintzako eragiketen berri ematen denean. Era berean, kreditu-eragiketak baimendu direla ulertuko da hilabete bat pasatuta ebazpen berariazkorik ez bada, eta Autonomia Erkidegoak tartean eskatzen ez badu emandako dokumentazioa zuzentzea.

136. ARTIKULUA

1. Nafarroako Unibertsitate Publikoak bere ekonomia eta finantza kudeaketaren barneko kontu-ikuskaritza bermatuko du, Kudeatzaitzak horretarako prozedura egokiak jarriko baititu, bai eta beharrezko ebaluazio eta kontrolak ere.
2. Barneko kontu-ikuskaritza egiteko, Kudeatzaitzaren organigraman, langile tekniko adituak izango dira, ekonomia eta finantza kudeaketaren etengabeko ebaluazioa eta kontrola bermatzeko.
3. Nafarroako Unibertsitate Publikoak aldian-aldian kanpoko kontu-ikuskaritzak aginduko ditu, bere kudeaketa ekonomikoa ebaluatu eta kontrolatzeko. Kanpoko kontu-ikuskaritza eginez gero, Gizarte Kontseiluak eta Gobernu Kontseiluak espreski ezagutu beharko dituzte emaitzak.

III. KAPITULUA. DIRUSARRERAK MATRIKULA, ZERBITZU ETA KONTRATUENGATIK.

137. ARTIKULUA

1. Ikasketa berekien, etengabeko prestakuntzaren, unibertsitate zabalpenaren eta gainerako zerbitzuen prezioak Gizarte Kontseiluak ezarriko ditu, batez ere, kostuei eta zerbitzuen eskariari begira. Salbuespen gisa, arrazoizko beharrengatik, Errektoreak kontura onetsi ahal izango ditu prezio horiek, eta Gizarte Kontseiluak gero berresteko baldintza izanda.
2. Gizarte Kontseiluak Unibertsitatearen beken, laguntzen eta tasak ordaintzeko salbuespenen politika gauzatuko du, ekonomia baliabide gutxi dituzten ikasleek unibertsitate ikasketak zati batean edo osorik dohainik egiteko aukera izan dezaten. Ikasle horiek unibertsitate lankidetzako lanak egingo dituzte, beti ere, ikasketetan erdietsitako emaitzak kontuan hartuta.
3. Unibertsitatearen entitate edo fundazioek hitzarmen bidez ematen dituzten zerbitzuak direnean, horiek zerbitzuen prezioak eskuratu ahal izango dituzte, beti ere, hitzarmenean aurreikusiko diren kontrol eta kitatze prozedurei jarraikiz.

138. ARTIKULUA

1. Nafarroako Unibertsitate Publikoak pertsonekin, unibertsitateekin edo entitate publiko edo pribatuekin kontratuak sustatuko ditu, zientzia, teknika edo arteen

arloetako lanak egiteko, eta berezitasunetako irakaskuntzarako edo prestakuntzako jarduera berariazkoetarako.

2. Aurreko atalak aipatzen dituen jardueren kontratazioa Unibertsitatearen Katalogoan onartutako ikerketa taldeek egin dezakete, baita sailek eta unibertsitateko ikerketa-institutuek ere, edo irakasle eta ikertzaileak ikerketa emaitzak bestetaratzeko zerbitzuen bidez.
3. Kontratuak bete beharreko prozedura eta irizpide orokorrak Gobernu Kontseiluak onetsiko ditu, eta hauei buruzkoak dira: baimena, jarduera kontratatua, Unibertsitatearen izena eta ikurrak erabiltzea, aurrekontua eta ekonomiaren gaineko eragina. Irizpideak betez gero, kontratuak hauek sinatuko dituzte:
 - a) Errektoreak, Unibertsitatearen izenean, edo
 - b) Sail edo unibertsitate institutuko zuzendariak, zuzentzen duen organoaren izenean, edo
 - c) Ikertzaile nagusia edo ikerketa taldearen arduraduna taldearen izenean, edo
 - d) Irakasleek bakoitzak bere izenean, aurreko zenbakian aipatzen den arautegian xedatzen denarekin bat etorritik.
4. Nafarroako Unibertsitate Publikoak Kontratu-Erregistro Berezia izango du, eta han gordailatu beharko dira artikulua honetan aipatzen diren kontratuak.
5. Ikerketarako Batzordeak egonkortasun eta garrantzizko irizpideak ezarriko ditu Unibertsitatearen Katalogoan baimendutako ikerketa taldeak horretan jasotzeko eta irauteko. Katalogoan, gutxienez ere, talde bakoitzeko ikertzaile nagusiaren edo arduradunaren izena jasota egongo da.
6. Aurreko zenbakietan aipatzen diren kontratuen bateragarritasuna, soilik indarrean diren legeek jasotako zioetakoren bat biltzen denean ukatu ahal izango da.
7. Ikerketa kontratuak garatzeko eskuratu diren ondasunak Unibertsitatearen ondarearenak izango dira gero, beti ere kontratu horietan kontrakorik erabakitzen ez bada.

IV. KAPITULUA. UNIBERTSITATEAREN ONDAREA

139. ARTIKULUA

1. Nafarroako Unibertsitate Publikoaren ondarea dauzkan ondasun, eskubide eta akzioek osatzen dute, bai eta, ordenamendu juridikoak aurreikusitakoari jarraituz, eskuratu ditzakeen beste batzuek ere.
2. Nafarroako Unibertsitate Publikoak bere gain hartzen du Foru Erkidegoaren jabetza publikoko ondasunetatik bere eginkizunak betetzeko beharrezkoak dituen ondasunen titularitatea, bai eta, geroan, Estatuak, Nafarroako Foru Erkidegoak zein toki korporazioek helburu horietarako bereizten dituztenak ere.
3. Nafarroako Unibertsitate Publikoak bere ondarearen inbentarioa egin eta eguneratuta edukiko du.

140. ARTIKULUA

1. Gobernu Kontseiluak proposatu ondoren, Gizarte Kontseiluaren eginkizuna da jabari publikoko ondasunen desafektazioa erabakitzea, bai eta, perituaren tasazioaren arabera, Gizarte Kontseiluaren Foru Legean ezarritako zenbatekoa baino balio handiagoa duten ondareak besterentzea, trukatzea edo lagatzea ere.
2. Kudeatzaileak hala proposaturik eta Gobernu Kontseiluari horren berri emanaz, Errektoreari dagokio baimena ematea, perituaren tasazioaren arabera, 1. zenbakian aipatzen den zenbatekoa baino balio txikiagoa duten ondare ondasunak besterentzeko.

V. KAPITULUA. UNIBERTSITATEKO ARLO PUBLIKOA

141. ARTIKULUA

1. Unibertsitateak, bere kabuz edo beste entitate batzuekin elkarlanean, edozein motatako pertsona juridikoak sor ditzake, aplikagarri den legeria orokorraren arabera. Gizarte Kontseiluak onetsiko ditu Gobernu Kontseiluak hala proposaturik. Gizarte Kontseiluak ekonomia eta finantza alderdietan soilik hartuko du parte, sortu beharreko entitatearen helburua edo gobernu eta administrazioaren antolamenduari erreparatu gabe.
2. Fundazio zuzkidura edo kapital sozialerako ekarpen kontuetan, eta Unibertsitatearen aurrekontuen kargura aipatu entitateei egindako beste edozein ekarpen kontuetan Foru Erkidegoak horretarako ezarriko dituen araei jarraituko zaizkie.
3. Entitate batzuen kapitalean edo ondare-funts baliokidean Unibertsitateak gehiengo partaidetza baldin badu, entitate horiek behartuta daude Unibertsitateak dituen epe eta prozedura beretan kontu ematera. Horretarako Unibertsitateak 136. artikuluan aipatu barneko kontu-ikuskaritza prozeduren mendean jarri ahal izango ditu entitate horiek.
4. Entitate batzuen kapital sozialaren edo ondare-funtsean Unibertsitateak gehiengo partaidetza baldin badu, entitate horiek berdintasun, merezimendu eta gaitasun printzipioak, eta publikotasunarena, bermatuko dituzte langileak aukeratzekoan.

142. ARTIKULUA

1. Unibertsitateei buruzko Lege Organikoaren 84. artikulua babesean Unibertsitateak sortzen dituen entitateen fundazio zuzkidura edo kapital sozialaren ekarpena irizpide hauen mendean egongo dira:
 - a) Zuzkidura berariazkoa izango dute Unibertsitatearen aurrekontuetan.
 - b) Unibertsitatearen jabetza publikoko ondasunen ekarpenik ezin izango dute egin, kontzesio edo lagapen erregimenean ez bada, behintzat, eta akordioan ezarriko da zenbat denboratarako egin zaien eta noiz itzuli behar dioten Unibertsitateari.
 - c) Unibertsitatearen ekarpena fundazio zuzkiduraren edo kapital sozialaren ehuneko berrogeita hamar baino gehiago egiten duenean, Foru Erkidegoaren baimena

beharko du, Erkidegoaren organo batek parte hartzen ez badu entitatearen patronatuan edo ohiko gobernu organoan.

2. Unibertsitateak fundazio zuzkidurak edo kapital ekarpenak areagotzen baditu, aurreko atalean azaldutako eskakizun berak izango dira.
3. Ez dira kapitalerako ekarpenentzat hartuko, Unibertsitatearekin egindako hitzarmenen edo kontratuei lotuz, fundazio edo elkarte zibilei edo merkataritzakoei egin edo ematen zaizkien diru-laguntzak, transferentzia arruntak, ondasun ekarpenak edota irakaskuntzako, administrazioko edo kudeaketako zerbitzuak, eta berdin gertatuko zaie geroan sortutako entitateei edota Unibertsitateei buruzko Lege Organikoak indarra hartu aurretik sortutakoei.

ZAZPIGARREN TITULUA

ADMINISTRAZIO ERREGIMEN JURIDIKOA

143. ARTIKULUA

Nafarroako Unibertsitate Publikoaren jardura administrazio publikoetan aplikagarriak diren araubide juridikoaren eta administrazio prozedura erkidearen arauetan oinarrituko da, bai eta unibertsitate-legerian aurreikusitako prozedura berezietan ere, eta Estatutu hauetan eta horiek garatzeko arautegietan ezartzen diren prozedura berekiak arautzen dituztenen arauetan.

144. ARTIKULUA

1. Errektorearen ebazpenek eta Klaustroaren, Gobernu Kontseiluaren eta Gizarte Kontseiluaren erabakiek administrazio bidea agortzen dute, eta zuzenean inpugnatu ahal izango dira administrazioarekiko auzien jurisdikzioaren aurrean.
2. Gainerako gobernu organoen erabaki zein ebazpenen aurka errekurtsua jarri ahal izango da Errektorearen aurrean, administrazio bidea agortzen ez badute.
3. Administrazio bideko erreklamazioa ezinbesteko betebeharra da Lan-zuzenbidean edo Zuzenbide pribatuan oinarritutako ekintzak egiteko, erreklamazio hori lege lerruneko xedapen batek salbuesten duen kasuetan izan ezik. Erreklamazioa Errektoreari zuzenduko zaio, eta lege indardunetan xedatutakoaren arabera izapidetuko da.

145. ARTIKULUA

Errektoreak, bidezkozat jotzen duenean, Nafarroako Unibertsitate Publikoaren zuzenbidezko zerbitzuetatik kanpoko letratuei eman ahal izango die zuzenbidezko defentsa eta prozesu-babesa egiteko ardura, eta Gobernu Kontseiluari horren berri emango dio.

ZORTZIGARREN TITULUA

ESTATUTUAK ERABERRITZEA

146. ARTIKULUA

1. Estatutuak eraberritzeko ekimena Errektoreari, Gobernu Kontseiluari, edo klaustrakideen %25i dagokie.
2. Eraberritzeko proposamena era formalean aurkeztuko da Klaustrako Mahaiaren aurrean. Proposamena arrazoitu egin beharko da eta, hala denean, izenpetzen duten klaustrakideen sinadurekin batera, proposatzen den hautazko testua ere aurkeztu beharko da. Eraberrikuntza osoa eskatzen bada, ordea, hori Klaustroak idatziko du.
3. Klaustroaren Mahaiari egokituko zaio Estatutuak eraberritzeko proposamenak izapidetzeko hartzea, aurreko idatz-zatietan xedatua betetzeko, eta, halaber, eraberrikuntza zatikakotzat edo osotzat ematea, aurreko idatz-zatian xedatuari jarraikiz, edo, bestela, eraberrikuntza aukerakotzat edo beharrezkotzat ematea, artikuluko honen 6. idatz-zatian xedatuari jarraikiz.
4. Klaustrako Mahaiak Estatutuak eraberritzeko proposamena jakinaraziko die klaustrakideei, gutxienez ere, hilabete lehenago proposamena eztabaidatu eta bozketa egiteko bilera egiteko aurretik.
5. Eraberritzeko proposamenari dagokion bilera egiteko Klaustrorako deialdia aurreko idatz-zatiak xedatua bete, eta hurrengo hilabetean egin beharko da.
6. Nafarroako Unibertsitate Publikoaren Klaustroaren eginkizuna da Estatutuak eraberritzeko proiektua onestea, eta horretarako klaustrakideen hiru bostenen aldeko botoa beharko da. Estatutuak indarrean sartu eta gero ematen diren arauzko zein legezko xedapenetara haiek egokitu nahi badira, ordea, aski izango da bertaratutako klaustrakideen gehiengoaren aldeko botoa.
7. Eraberritzeko proposamenak Estatutu hauetan eskatzen den gehiengoa lortzen ez badu, ezin izango da proposamena errepikatu harik eta urte bat igaro arte.
8. Ezin izango da Estatutuak eraberritzeko proposamenik egin Klaustroaren agintaldia amaitu aurretiko hiru hilabeteetan.
9. Klaustroaren Barne-eraentzako Arautegiak garatuko du Estatutuak eraberritzeko prozedura, artikuluko honetan xedatuari jarraikiz.

XEDAPEN GEHIGARRIAK

LEHENBIZIKOA

Gobernu Kontseiluaren eginkizuna izango da, Estatutu hauek aplikatzeko, beraietan agertzen ez diren xedapenak garatzea.

BIGARRENA

Ikastegi, sail, unibertsitate institutu nahiz ikasle-egoitza nagusi berriak sortzen direnean, Errektoreak izendatuko du haien behin-behineko zuzendaria edo, halakorik bada, dekanoa, Estatutu hauen arabera behar bezalako hautaketa egiten den arte.

HIRUGARRENA

Lege indardunetan aldaketarik izanez gero, Gobernu Kontseiluak emango ditu aldaketok eransteko jarraibideak, Estatutuak eraberritzen ez diren bitartean.

LAUGARRENA

Ikerketarako Taldeen Katalogoa egingo da, Unibertsitateak onartutako talde guztien berri jasotzeko.

BOSGARRENA

Halaber, Tituluen Erregistro Orokorra egongo da, non nazioan balioa duten titulu ofizial guztiak jasoko baitira, baita Nafarroako Unibertsitate Publikoak emandako titulu eta diploma berekiak ere.

SEIGARRENA

Nafarroako Unibertsitate Publikoak, bere eskumenen esparruan, bakoitzari dagozkion askatasuna eta berdintasuna benetakoak eta eraginkorrak izateko baldintzak sustatuko ditu, eta, zehazki, erabat bete daitezten eragozten duten traba guztiak kenduko ditu, eta unibertsitateko komunitateko kide guztien partaidetza erraztu. Modu berezian sustatuko du elbarritasuna duten ikasleen integrazioa Unibertsitatean.

XEDAPEN IRAGANKORRAK

LEHENA.- Unibertsitate Arautegiak

1. Estatutu hauek indarra hartu, eta hurrengo bi hilabeteko epean, Errektoreak Hauteskunde Arautegiaren Proiektua eta Arautegi Markoaren Proiektua aurkeztuko dizkio onesteko Behin-behineko Gobernu Kontseiluari. Arautegi Marko horri egokitu beharko zaizkio sail eta ikastegietako barne-eraentzako arautegiak.

2. Bi hilabeteko epean, Klaustroan ikasleen ordezkari direnek Ikasleen Kontseiluaren

Barne-eraentzako Arautegia aurkeztu beharko diote onesteko Gobernu Kontseiluari.

BIGARRENA. Sail eta Ikastegiak

1. Estatutu hauek indarra hartu, eta hurrengo laugarren eta seigarren hilabeteen bitarteko epean, Sailetako Kontseiluak eratu eta haien zuzendariak hautatuko dituzte. Ikastegiko Batzordea eraturik, hiru hilabeteko epean Barne-eraentzako Arautegia egingo du, Gobernu Kontseiluak onetsitako Arautegi Markoari jarraikiz. Barne-eraentzako Arautegi hori onetsi arte, Saileko Kontseiluak orain arte dagoenari jarraituko dio, Estatutu hauei kontra egiten ez dieten gaietan.

2. Halaber, Estatutu hauek indarra hartu eta laugarren eta seigarren hilabeteen artean, ikastegietako dekanok edo zuzendariak hautatuko dituzte, eta Ikastegietako Batzordeak eraturiko. Ikastegiko Batzordea eraturik, hiru hilabeteko epean Barne-eraentzako Arautegia egingo du, Gobernu Kontseiluak onetsitako Arautegi Markoari jarraikiz. Barne-eraentzako Arautegi hori onetsi arte, Ikastegiko Batzordeak orain arte dagoenari jarraituko dio, Estatutu hauei kontra egiten ez dieten gaietan.

3. Hauteskunde Batzordeak hauteskunde egutegi komunak onetsiko ditu, sailetan eta ikastegietan egin beharreko hauteskunde prozesuak aldi berean egingo direla ziurtatzeko.

HIRUGARRENA. Errektorea

Orain den Unibertsitate Errektoreak karguan jarraitu ahal izango du agintaldia bukatzen zaion arte, eta jardueran egongo da hurrengoak jabetza hartu arte. Errektorea hautatzeko deialdia, haren agintaldia iraungitzeko eguna kontuan harturik, hilabete bat lehenago egingo da, Estatutuen xedapenei jarraikiz.

LAUGARRENA Klaustroa

Estatutu hauek indarra hartu, eta hurrengo bost hilabeteko gehienezko epean, Unibertsitateko Klaustroa hautatzeko deialdiari ekingo zaio, Estatutuetan xedatutakoari jarraikiz.

BOSGARRENA Gobernu Kontseilua

Behin-behineko Gobernu Kontseiluko kideak jardunean egongo dira ordezkioak izendatu edo hautatu arte, Estatutu hauetan xedatutako prozedurari jarraikiz. Estatutu hauek onetsi, eta Aldizkari Ofizialean argitara ematen direnetik aurrera, besterik gabe eraturik egongo da Gobernu Kontseilu berria, kontuan hartu gabe orduan zein zen Behin-behineko Gobernu Kontseiluaren osaera.

SEIGARRENA Doktoretza, Ikerketa, Kalitate eta Hizkuntza Plangintzarako Batzordeak

1. Estatutu hauek indarra hartu, eta hurrengo laugarren eta seigarren hilabeteen arteko epean, Doktoretza, Ikerketa, Kalitate eta Hizkuntza Plangintzarako Batzordeak eraturiko dira, Hauteskunde Arautegian xedatuari jarraikiz.

2. Horiek berritzeari begira, eratu eta handik lau urtera, hala egin behar denean, zozketaz erabakiko da batzorde horietako zein kideri dagokien bi urtez gehiago jarraitzeko aukera.

ZAZPIGARRENA *Organo kolegiatuek eta kide bakarrekoek irautea*

Estatutu hauek aipatzen dituzten gobernu organo kolegiatuak eta kide bakarrekoak, eta Batzordeak eratu arte, oraingo organo eta batzordeek beren eginkizunak izaten eta betetzen jarraituko dute, behar-beharrezko egokitzapenak eginik Unibertsitateei buruzko Lege Organikoaren eta Estatutu hauen ondoriozko konfigurazioarekin. Egin beharreko ordezkapen eta berrikuntzak, kasu bakoitzean indarra duten hauteskunde arauak jarraikiz egingo dira.

ZORTZIGARRENA. *Arauen aurreraeragina*

Estatutu hauen arautegiak eta garapen arauak onetsi arte, aplikagarri izango dira LRUren esparruan onetsitakoak, Unibertsitateei buruzko Lege Organikoari eta Estatutu hauei kontra egiten ez dieten gaietan, eta Gobernu Kontseiluak kontrakoa arautzen ez badu.

BEDERATZIGARRENA. *Unibertsitate Komunitateko Arartekoa*

1. Orain den Unibertsitate Arartekoak eginkizunetan jarraituko du organo horren eginkizunak berriz arautu arte eta berria hautatu arte.
2. Orain den Unibertsitateko Arartekoak aurreko idatz-zatiak aurreikusi baino lehenago kargua uzten badu, Unibertsitateko Klaustroak organo hori hautatzeari ekingo dio, lehengo arautegiari jarraikiz, Unibertsitateei buruzko Lege Organikoari kontra egiten ez dion gaietan.

HAMARGARRENA *Erreklamazio Batzordeak*

1. Orain den Erreklamazio Batzordeak eginkizunetan jarraituko du, Unibertsitateei buruzko Lege Organikoa argitaratu aurretik argitara emandako deialdietako lehiaketak ebatzi arte.
2. Estatutu hauek indarra hartu, eta hurrengo bost hilabeteetako epean, Unibertsitateei buruzko Lege Organikoaren 66.2 artikuluan aurreikusitako Erreklamazio Batzordeko kideak hautatzeari ekingo zaio. Epe hori bete aurretik eratu behar bada, Unibertsitateko Gobernu Kontseiluak arau egokiak emango ditu.

HAMAIKAGARRENA. *Kide bakarreko organoak*

Errektorea, ikastegietako dekanok edo zuzendariak eta sailletako zuzendariak, Estatutu hauen arabera hauteskundeetarako deia egiten denean, bigarren agintaldi jarraituan badaude, beste behin bakarrik aurkeztu ahal izango dira kargurako.

HAMABIGARRENA. *Administrazio kontratua duten irakasleak*

Unibertsitateei buruzko Lege Organikoak indarra hartu aurretik administrazio-

kontratuak zituzten langileen plantillak egokituko ditu Nafarroako Unibertsitate Publikoak, eta orain diren administrazio-kontratuak lege horretan ezarritako kontratu-figura bihur daitezzen erraztuko du.

Horretarako, Gobernu Kontseilua, interesdunei aurretik eskatu eta sailek irakasteko duten gaitasunari erreparatuta, orain diren administrazio-kontratuak lege horretan ezarritako kontratu-figura bihurtzen hasiko da. Bihurtze prozesu horretan Estatutu hauen 83 eta 84. artikuluetan ezarritako arauak aplikatuko dira.

HAMAHIRUGARRENA. Lanaldi Osoko Irakasle Elkartuak

Unibertsitateei buruzko Lege Organikoak indarra hartu aurretik lanaldi osoko irakasle elkartu izateko kontratatutako langileen plantillak egokituko ditu Nafarroako Unibertsitate Publikoak, horretarako neurri hauek hartuz: Gobernu Kontseiluak, interesdunek aurretik eskatuta, orain diren lanaldi osoko irakasle elkartuen kontratuak Unibertsitateei buruzko Lege Organikoan ezarritako kontratu-figura bihurtzen hasiko da. Bihurtze eta egonkortze prozesu horretan ez dira aplikatuko Estatutuen 83. artikuluko arauak, kasuan kasuko ebaluazio agentziaren aldeko txostenari dagozkion gaietan izan ezik.

XEDAPEN INDARGABETZAILEA

Estatutu hauek indarra hartzen dutenetik, indarrik gabe geldituko dira martxoaren 13ko 68/1995 Foru Dekretuak onetsitako Estatutuak eta Estatutu hauetan xedatutakoari aurka egiten dioten xedapen guztiak.

AZKEN XEDAPENA

Nafarroako Aldizkari Ofizialean argitara ematen diren egunean hartuko dute indarra Estatutu hauek.